



— (p. 822) in reverse —

ଗାଥା

সাধা

শ୍ରী প্রমথনাথ রায় চৌধুরী
প্রণীত

১৩১২ সন

কুস্তলীন প্রেস,
কলিকাতা, ৫নং শিবনারায়ণ দাসের লেন হইতে
শ্রীপূর্ণচন্দ্র দাস কর্তৃক মুদ্রিত ও
৩৫।২ বিডন ষ্ট্রীট হইতে
শ্রীঅনুকূলচন্দ্র বসু কর্তৃক প্রকাশিত

উৎসর্গপত্র

শ্রীযুক্ত গোপালদাস চৌধুরী

করকমলেশু—

পাঠকের নিকট সুলেখকের যেমন আদর, লেখকের
নিকটও সুপাঠকের তেমনই সমাদর। আপনাকে
এই গ্রন্থ উপহার দিয়া তাহা প্রমাণ করিলাম।

গুণানুরক্ত

গ্রন্থকার

সূচীপত্র

বিষয়		পৃষ্ঠা
পৌত্র লাভ	১—২০
ভীষণ	২১—৫৮
মাল্য দান	৫৯—৯৮
বিচিত্র নিয়তি	৯৯—১৩৩

পৌত্র লাভ

কহিলেন উমাপদ, ‘শোন নিরুপম,
বহুকাল আছি বেঁচে, ঘনাইছে দিন !
তুমি একমাত্র পুত্র !—বড় সাধ মনে,
তোমার সন্তান দেখি ছই চক্ষু মুদি
বুড়া-বুড়ী দৌহে মোরা ; গৃহলক্ষ্মী আনি
সঁপি দিই তাঁর হাতে সংসারের ভার !

গাথা

নিরুত্তর নিরুপম রহিল দাঁড়ায়ে
অবনতমুখে, শেষে কহিল বিনয়ে,
‘বিবাহে প্রবৃত্তি নাই।’—‘অনিচ্ছা বিবাহে ?’
বিস্মিত ব্রাহ্মণ ত্রস্তে করিলা উত্তর ;
‘নব্য যুবকের দল জানি এই মন্ত্বে
হয়েছে দীক্ষিত এবে, যুক্তি তাঁহাদের,—
বিবাহ দারিদ্র্য আনে ! কিন্তু বাপু, তুমি ?—
তুমি ত ধনীর ছেলে ; তুমিও কি ভাব
বিবাহেরে বিভীষিকা ? শোন যাহা বলি ;
পিতার প্রার্থনা,—না, না, আদেশ তাঁহার,
আনন্দে সম্মতি দাও আনন্দ-উৎসবে ।
আমি প্রোঢ়, তুমি যুবা ; আমি বুঝি ভাল
কিসে তব শুভাশুভ ; পিতৃভক্ত তুমি,
করিও না অবহেলা পিতার আদেশ।’

পৌত্র লাভ

নিরুপম মাগি নিল সপ্তাহ সময় ।

হুদিন হ'ল না পার, ভোজনের কালে,
গৃহিণী সহাস্রমুখে কহিলা পতিরে,
‘নিরু মোরে বলিয়াছে জানাতে তোমায়,
পিতৃ-আজ্ঞা শিরোধার্য্য ! এক ভিক্ষা তার,
কত্যানির্বাচনভার লইবে সে নিজে ।

তাও সে করেছে স্থির ; আর কেহ নহে,
সে মোদের কত্মস্নেহে পালিতা অমলা !
তোমার বন্ধুর মেয়ে, বংশে ভাল তারা ;
কত্মসম আছে গৃহে, বধু হয়ে রবে ।

অমলা পরের হবে !—এই ভাবি দৌহে
হয়েছি কাতর কত ; কি আশ্চর্য্য কথা,
এমন উপায় আছে ভাবি নি তা আগে !
ঝাড়িয়া হাতের অন্ন উঠিলা ব্রাহ্মণ ;

গাথা

‘নিরু ! নিরু !’ উচ্চৈঃস্বরে ডাকিল গভীরে ।
সে মূর্তি সে ক্লিষ্ট স্বর গৃহিনীর প্রাণে
আনিল অজ্ঞাত কম্প ! অদূরে দাঁড়িয়ে
নিরুপম কম্পবক্ষে উন্মথশ্রবণে,
নরঘাতী যেন শুনিছে বিচারফল
বিচারক-মুখে !—দাঁড়াইল হেঁটমুখে
পিতার নিকটে । কহিলেন উমাপদ,
‘এ কি সত্য তবে ?’ উত্তরিল ধীরে যুবা,
‘ভালবাসি ; পাইয়াছি ভালবাসা তার ।’
কহিলেন প্রোঢ়, ‘ভালবাসা শুধু নেশা,
যৌবনের চপলতা, খেয়ালের ঢেউ,
মুহূর্তে অশান্ত হয়ে গ্রাসে আসি কূল,
শেষে শ্রান্ত শান্ত হয়ে ফিরে সে কাঁদিতে !
শিক্ষিত সুধীর তুমি ; ফিরাও হৃদয় ।

পৌত্র লাভ

অমলা কমলা সম রূপগুণাবিতা,
সে তোমার মেহপাত্রী ; পিতৃবন্ধুত্ব
পিতৃব্যকৃত্যার মত ; শাস্ত্র ও সমাজ
দিবে গুপ্ত অভিশাপ হেন সন্মিলনে !'
উত্তরিল ক্ষুণ্ণ যুবা সতেজে এবার,
'আমি নাহি মানি শাস্ত্র ; জীর্ণ সমাজেরে
করি ঘৃণা !' দ্রু কুক্ষিয়া কহিলেন পিতা,
'তুমি না মানিতে পার ; আমি আছি বেঁচে !
আমি মানি শাস্ত্র আর সমাজবন্ধন !'
উত্তর করিল পুত্র, নিরাশাপ্রেরিত
অশান্ত উদ্ভ্রান্ত ক্ষোভে, 'শিশু নহি মোরা,
আমরা স্বাধীন ! যতক্ষণ গুরুজন
উদার সদয়, সম্মানের যোগ্য তাঁরা ;
অনুজ্ঞা তাঁদের যতক্ষণ ত্রায়-গণ্ডি

গাথা

না করে লজ্বন দর্পে, প্রতিপাল্য তাহা !'
অনুগত পুত্রমুখে হেন প্রত্যুত্তর
করেন নি উমাপদ প্রত্যাশা কখনো ;
ক্ষণেক অবাক্ রহি ক্ষুদ্র রুদ্ধস্বরে
কহিলেন, 'করিও না গৃহ কলঙ্কিত,
আজি—এইদণ্ডে যাও, যথা ইচ্ছা তব !'
তখন মধ্যাহ্নসূর্য্য মাথার উপরে
করিতেছে অগ্নিবৃষ্টি, প্রমত্ত পবন
হাহা হাসি ধূলি মাখি করিতেছে খেলা,
শাখা-অস্তুরাল হতে কপোতযুগল
তুলিয়াছে করুণ কাকলি ; সেইক্ষণে
অভুক্ত অন্নাত এক উদ্ভ্রান্ত যুবক
পল্লীপথ দিয়া দ্রুত হ'ল নিরুদ্ধেশ ।
'ব্রাহ্মণী !' ডাকিল বিপ্র, কহিল গম্ভীরে,

পৌত্র লাভ

‘হেন কুলাঙ্গার তরে যদি কেহ কর
অপব্যয় বিন্দু অশ্রু, ক্ষমা নাহি তার !’
গৃহিণী সরলা ভীৰু পতি-অনুগতা,
জানিতেন ভাল মতে পতির স্বভাব,
চিরদিন পতি-আজ্ঞা ধীর নম্র ভাবে
এসেছেন নিঃশব্দে পালিয়া, বহুক্লেশে
দারুণ শোকের বেগ করিলেন রোধ ;
তবু শূন্য অন্তঃপুরে ক্ষুধা মাতৃস্নেহ
পলে পলে সংযমের পাষাণপ্রাচীরে
খুঁড়িতে লাগিল শির । কিশোরী অমলা
কীটদষ্ট স্নকুমার বিজনবাসিনী
বনমল্লিকার মত লাগিল শুকাতে ;
গভীর বিষাদ সেই হৃদয় প্রগল্ভারে
করিল গভীর । বাহিরে এখন তার

গাথা

গৃহকার্যে নিপুণতা হ'ল স্ফুটতর ;
ক্ষত পিতৃ-অভিमानে দীর্ঘ মাতৃস্নেহে
সযত্নে সে দিতেছিল সেবার প্রলেপ !
অন্তর্যামী শুধু লইলেন সে নারীর
অন্তরের ভার ; প্রতিদিন তাঁর দ্বারে
উঠিতে লাগিল কোন ভগ্নহৃদয়ের
করণ প্রার্থনা ছন্ন গৃহহারা তরে ।

কিছুদিন গেল চলি । কর্ত্তা চুপে চুপে
সম্পদে সম্মানে ধনে সর্বত্র বিখ্যাত
কোন বড় ঘরে করিলেন অমলার
পরিণয় স্থির । অমলা জানিল সব,
বুঝিল সকলি ; তার তরে মৃত্যুপাশ

পৌত্র লাভ

হয়েছে রচিত ! স্বেচ্ছায় সে দিল ঝাঁপ ;
তবু পারিল না কহিবারে কোন কথা
সত্ত্ব অপমানবিদ্ধ আত্ম-অভিমানী
পিতার অধিক সেই পিতৃবাক্যবেরে ।
হয়ে গেল শুভকস্ম কখন কেমনে,
জানে না অমলা ! শুভদিনে উমাপদ
দান্তিক বর্কর শঠ বৈবাহিক-করে
হইলেন অকারণে বিষম লাঞ্ছিত ;
হয়ে গেল দুই দলে অনন্ত বিচ্ছেদ !
উদাসীন অশ্রুহীন চলিল অমলা
ছাড়ি চিরপ্রিয় ঘর পরগৃহ পানে ।
সেই পাংশু শুষ্ক মুখ দেখিল যাহারা,
ভাবিল, এ সধবা কি শ্মশানযাত্রিনী ?
উমাপদ গলদশ্রু সংবরিয়া ক্রেশে

গাথা

পশিলেন ঘরে ; গৃহিণী উঠিলা কাঁদি ;
পতি-পত্নী অনাহারে রহিলা সে দিন !

সাত বৎসরের পরে একদা প্রত্যুষে
শয্যা ত্যজি উমাপদ আসিলা বাহিরে,
হেরিলেন সবিস্ময়ে,—ভূষণবিহীনা
এলোকেশী গুল্লান্ধরা অনবগুণ্ঠিতা
মোহিনী রমণীমূর্তি দাঁড়ায়ে অঙ্গনে,
কোলে অভিরাম শিশু, স্বপ্নশিশু কোলে
মূর্তিমতী উষা যেন অতিথি দুয়ারে !
চমকি চিনিলা তারে ; উঠিলা চিৎকারি,
‘অমলা, বিধবা তুই ! —পুণ্যবতী প্রিয়া !
তুমি চলে গেছ স্বর্গে ; আমি আজো আছি

পৌত্র লাভ

সহিবারে সংসারের ঝঞ্ঝা বজ্রাঘাত !'
অমলার অবরুদ্ধ শোকের পাথার
উঠিল উচ্ছ্বসি ; কোলে চমকিত শিশু
অকস্মাৎ উচ্চঃস্বরে উঠিল কাঁদিয়া ।

অমলার আগমনে গৃহের শৃঙ্খলা
আবার আসিল ফিরে ; বৃদ্ধের জীবনে
শিশু আসি অভিনব আনন্দ আনিল !
সে বিদ্রোহী প্রথমতঃ নাহি দিল ধরা,
শেষে ধীরে ধীরে শিশুসঙ্গলালায়িত
বিরহী বঞ্চিত হিয়া নিল তারে জিনি !
অমিয়মধুরকণ্ঠে 'দাদা !' সম্বোধন,
কচি বাহুযুগে সেই গাঢ় আলিঙ্গন
বৃদ্ধের সকল জ্বালা দিল জুড়াইয়া ।

গাথা

ভাবিতেন উমাপদ, হায় নিরু যদি
পিতারে করিত ক্ষমা ; যদি সে ফিরিত !
অনুতপ্ত পিতা করেছিল বহু স্থানে
নিরুদ্দেশ পুত্র লাগি বিফল সন্ধান ;
ধীরে ধীরে তার আশা করেছিল ত্যাগ ।

একদিন অতর্কিত সৌভাগ্যের প্রায়
নিরুপম নিজ গৃহে বহুদিন পরে
পিতারে প্রণাম করি দাঁড়াইল আসি ।
শিরে শিখা, করে গীতা কমণ্ডলু, তার
হিন্দুধর্মের অনুরাগ করিল প্রচার ।
সুখস্বপ্নাবিষ্টসম রহিলেন চাহি
হরষে বিশ্বয়ে পিতা ; জিজ্ঞাসি কুশল
কহিলা নিশ্বাস ফেলি, ‘মাতৃহীন তুমি !

পৌত্র লাভ

বৎস, সে আজ থাকিত যদি ! মৃত্যুকালে
তোমার নামটি তার ছিল জপমালা !'
অশ্রু মুছি নিরুপম জানা'ল পিতারে,—
মাতৃবিয়োগের বার্তা বহুদিন আগে
পেয়েছে সে লোকমুখে । কহিলা ব্যথিত,
'আমি অপরাধী পিতা, ক্ষমা কর মোরে !'
উত্তর করিল পুত্র 'সব দোষ মোর,
পিতার অবাধ্য পুত্র দিল বহু ক্লেশ !'
শেষে জানাইল ধীরে একান্ত সঙ্কোচে,
'একমাত্র প্রায়শ্চিত্ত, পিতৃ-অভিমতে
দারপরিগ্রহ করি গৃহধর্ম করা ;
শাস্ত্রে লেখে, গুরুবাক্য বেদ হতে গুরু ;
যৌবনে গৃহস্থাশ্রম প্রশস্ত কেবল ।'
বৃদ্ধ ভাবিলেন, আজ স্মৃতি-দেবতার

গাথা

সবটুকু আশীর্ব্বাদ তাঁরি অধিকারে !
হেনকালে বুড়ার সে নয়নের মণি,
চারি বৎসরের ছেলে নাচিতে নাচিতে
‘দাদা ! দাদা !’ বলি কক্ষে আসিল ছুটিয়া ;
থমকি দাঁড়াল ; শেষে ‘বাবা !’ বলি বেগে
যেমন আসিবে কাছে, ত্রস্ত নিরুপম
ক্লক দৃষ্টি দিয়া তারে করিল নিশ্চল ।
দাদার স্নেহের কোলে ফিরে এল শিশু,
মুখ লুকাইয়া উঠিল ফুকারি কাঁদি ।
আঁধার-রহস্ত্রে ক্ষীণ বিছাতের শিখা
জ্বলিল বারেক !—ডাকিলেন উমাপদ,
‘অমলা, বাহিরে এস ’ গৃহকন্ম মাঝে
অমলা নিমগ্ন ছিল, নিরুপমে হেরি
কক্ষে পশি চমকিয়া দাঁড়াল থমকি ।

পৌত্র লাভ

কহিলেন উমাপদ, 'কত্যাধিক স্নেহে
পালিয়াছি আশৈশব তোমারে অমলা,
ভাঁড়ায়ো না আজি মোরে, বল সত্য করি,
নিরুপম সনে এই অজ্ঞাত শিশুর
জন্মরহস্য কি আছে কোন সূত্রে বাঁধা ?'
ক্ষণেক বিহ্বল রহি সহসা অমলা
নতজানু হয়ে সব করিল প্রকাশ ;
বহি সহি গুরুভার, বহুদিন পরে,
শ্রান্ত যথা একে একে রাখে তা নামায়ে !
—কেমনে বিবাহ-অন্তে পক্ষকাল মাঝে
হ'ল সে বিধবা ; শেষে কেমনে কখন
দেখিল সে নিরুপমে অকুল পাথারে
অনন্তনির্ভর ! বাহিরিল তার সনে
বিমুক্ত বিশাল বিশ্বে চির অনাবৃত !
জন্মিল নির্দোষ শিশু কলঙ্কে মণ্ডিত !

গাথা

অমলা থামিল ব্রজে, লাজ-বজ্রাহতা
রহিল দাঁড়ায়ে শুধু নিস্পন্দ নীরব !
নিরুপম নতমুখে রহিল বসিয়া ;
দেখিল, অমলা কিছু করিল গোপন,—
বিবাহের আশা দিয়ে সে তারে যেমনে
করিল ছলনা পরে ; কিছুদিন গেলে,
যে রূপে বিরক্ত শাস্ত দিত সে তাহারে
নির্দয় লাঞ্ছনা ; সে ত সেদিনের কথা,
শিশুপুত্র সনে তারে আসিল সে ফেলি
নিশীথে চোরের মত !—এ সব অমলা
করিল গোপন কেন, কার মুখ চাহি !—
নিরুপম বুঝি' তাহা মনে মনে শুধু
হাসিল বিষের হাসি ; পিতার নিকটে
সে এমন আনন্দের গৌরবের দিনে

পৌত্র লাভ

অতর্কিতে অপদস্থ হয়ে, অমলারে
নীরবে দহিতেছিল তীব্র অভিশাপে !
হায় নারী, ভালবাসা ভোল না তোমরা,
কর্তব্য-আবর্তে তারে রাখ উর্দ্ধে ধরি ;
পুরুষ দুঃস্বপ্ন ব'লে ঝেড়ে ফেলে' তাহা
অনায়াসে মিশে যায় কস্মকোলাহলে !

এতক্ষণ উমাপদ সংজ্ঞাহীনসম,
গুণিতেছিলেন সব ; আপনা সংবরি
কহিলেন পুত্রে চাহি, 'শোন নিরুপম,
এ শুদ্ধা নারীকে তুমি আনিয়াছ টানি
পাক্ষের গলিত স্তরে ; এ শুভ্র শিশুরে
করিয়াছ দুর্নিবার কলঙ্কমণ্ডিত !'
সহসা থামিলা ; হৃষ্ট অশিষ্ট বালক
জড়ায়ে ধরেছে কণ্ঠ ; কবি অনুভব

গাথা

শিশুর সে স্নেহস্পর্শ কহিলা প্রাচীন,
‘ক্ষমিব তোমাতে তবু ; কিন্তু অমলারে
বিবাহ করিতে হবে ধর্ম সাক্ষী করি !
নহে, ত্যাজ্যপুত্র তুমি ! পুত্র তব,
পৌত্র মোর, হবে মোর জলপিণ্ডদাতা ;
বিষয় ইহা দিব তোমাতে লজ্জিয়া ।’
পুত্রে নিরুত্তর হেরি লাগিলা কহিতে,
‘মৃত আমি, নিয়তিরে চাহিনু খণ্ডিতে,
অদৃশ্য অভাবনীয় গতিসূত্র ধরি
আপনারে করিল সে সবল সফল ।
বুদ্ধ হইয়াছি আমি, আজি দ্বন্দ্ব ছাড়ি
আনন্দে করিনু সন্ধি ক্রুদ্ধ ভাগ্য সনে ।’
উত্তরিল দৃষ্ট যুবা, ‘অসম্ভব কথা !
পুত্রবতী পতিতা এ বিধবার সনে

পৌত্র লাভ

বিবাহে সমাজ শাস্ত্র হবে প্রতিকূল !’
কহিলেন বৃদ্ধ, ‘তোমার সে চিন্তা নাই,
আমি আছি বেঁচে ! যে শাস্ত্র সমাজ হয়
এ বিবাহে প্রতিকূল, কে মানে তাহায় ?’
‘আমি মানি শাস্ত্র আর সমাজবন্ধন !’
উত্তরিল পুল তেজে । ‘তবে দূর হও !’
গর্জিয়া উঠিল পিতা । সে দিন নয়নে
যে তেজ ফুটিয়াছিল, সপ্তবর্ষ পরে
সে নয়নে সেই জ্যোতি !—তখন বাহিরে
উঠিয়া এসেছে ঝড় ; মেঘদল মাঝে
নিরুদ্দেশযাত্রা তরে পড়ে গেছে ভরা,
উঠে গেছে কোলাহল, উতলা বাতাস
করিতেছে শৃঙ্গনাদ রহস্ত্রের কোণে,
ক্ষণে ক্ষণে জ্বলিতেছে প্রলয়-আলোক !

গাথা

শিশুকালে মাতৃহীন, পিতার আত্মরে ছেলে,
এইমাত্র জানি তার কথা ;
যায় নি সে বিছালয়ে, পড়ে নি সে নীতিবোধ,
শিখে নি সভ্যতা !

তবুও সে বড় হ'ল, অবশেষে প্রেমে প'ল ;
বিশ্বয়ের কথা তত নয় ;
সহৃদয় ছিল যুবা, হারায় ফেলিল তাই
সরস হৃদয় !

দীন প্রতিবেশীকণ্ঠা, সোহাগী বালার নাম,
সেই তার মনের মানুষ ;
প্রেম ক্রমে বেড়ে গেল, মানিল না আর শেষে
লাজের অঙ্কুশ !

ভীষণ

দুইজনে একসাথে যুক্তি করে তলে তলে,
দুজনাই জানিল তা বেশ,—
যদি না মিলন হয়, তবে আর এ জীবনে
সুখ নাই লেশ !

লাজ-শঙ্কা এড়াইয়া জানা'ল পিতার কাছে
সব কথা একদা ভীষণ,
গৃহকর্তা ঘৃণা-রোষে করিলেন নামঞ্জুর
তার আবেদন ।
সোহাগীর বংশদোষ পাকাপণা হুঃসাহস
বুড়ার আছিল চক্ষুশূল,
যুবা কিন্তু তারি মাঝে দেখিত আপন স্বর্গ,
নিস্তারের মূল !

গাথা

ফিরিবে পিতার মন ।—ভাবিয়া ভীষণ ক্রেশে
সংবরিল প্রথম উচ্ছ্বাস,
সোহাগীর প্রাণে কিন্তু জাগা'ল জিঘাংসা সেই
প্রথম নৈরাশ ।

ভীষণের বৃদ্ধ পিতা অচিরে পড়িল যবে
ভয়ঙ্কর সন্নিপাত জ্বরে,
সোহাগী জানিয়া তাহা হাসিল বিষের হাসি
অন্তরে অন্তরে ।

কে জানিবে এত কাণ্ড ? চাপা মেয়ে বড় পটু
সংবরিতে হৃদয়-উচ্ছ্বাস ;
কিন্তু সে ছিল না পটু বানায়ে বিনায়ে কিছু
করিতে প্রকাশ ।

ভীষণ

অবশেষে একদিন রোগীর টিপিয়া নাড়ী
বৈজ্ঞ মুখ বাঁকাইল ভারি,
ভীষণে নিভতে লয়ে কহে পল্লীধন্বন্তরী
ঘন শির নাড়ি,
‘আর বেশী দেরি নাই !’ ভীষণ পড়িল বসি ;
কি জানি কি ভাবি অবশেষে
মুমূর্ষুর শয্যাপাশে দাঁড়াইল অশ্রু মুছি
স্নানমুখে এসে ।

পুল্লেরে ইঙ্গিতে ডাকি হাত তার বুকে রাখি
কাতর নয়নে স্নেহ ভরি
কহিল জড়িতকণ্ঠে, ‘রহিল তোমারি সব,
রেখো যত্ন করি ।’

গাথা

আর এক অনুরোধ, 'ঘরে এনো বধু ; কিন্তু
সোহাগীরে করো না বিবাহ ;
বাপের এ শেষকথা মনে যেন থাকে বাপু,
শুভ যদি চাহ !'
আর সরিল না কথা ; মুমূষু'র সর্ব্ব দেহে
ছেয়ে এল ঘন অবসাদ ;
অন্তিম নিমেষ বৃদ্ধ ফেলিল শোকাক্ত পুত্রে
করি আশীর্ব্বাদ ।

শোকের হঠাৎ ঝড়ে প্রণয়ের বাঁধা-তরী
ভেসে গেল বহু—বহু দূরে,
আবার ফিরিল যবে, বসিল সে হৃদয়ের
সারা কুল জু'ড়ে !

ভীষণ

কিন্তু ছাট মুগ্ধ হিয়া মিলিল একদা যবে
বিবাহের অটুট বন্ধনে,
ভীষণের ফুল প্রাণ অজ্ঞাতে উঠিল কাঁপি
সে মঙ্গলক্ষণে !
প্রত্যক্ষ করিল শূন্যে পিতার ব্রকুট যেন,
শুনিল দারুণ অভিশাপ ;
বিবাহ করিল যুবা শুভদিনে হাসিমুখে,
বুকে চাপি তাপ !

স্মৃতি হতে ধুয়ে গেল সে তাপ নিঃশেষে শেষে
প্রণয়ের স্নিগ্ধ পরশনে,
চলিত প্রেমের চর্চা অবিরাম কোণে পড়ি
সোহাগী-ভীষণে !

গাথা

জানা'ল প্রিয়ারে যুবা কথা-ছলে, ঘটিল যা
শুভদিনে অশুভ ব্যাপার,
পড়িতে লাগিল হাসি সোহাগী তা শুনি, হাসি
থামে না তাহার!

কহিল, 'পুরুষ তুমি হয়েছিলে এই লাগি ?
বিদ্যা-সাধ্য জানা গেল সব!
সোহাগী বিষম মেয়ে, ভীষণ জানিত তাহা,
রহিল নীরব ।

ভীষণের এই গুণে নাহি ছিল স্বামী-স্ত্রীতে
কোনকালে কলহের ভয়,
নিরীহ পতিরে বাকো যে পত্নী জালায়, সে ত
ডাইনী নিশ্চয় !

ভীষণ

ছিল বটে ভারি মিল মনে মনে দুইজনে,
এরূপ ত বহুস্থলে থাকে ;
দম্পতিতে ঘটে নাই মতান্তরে মনান্তর,
এক মিলে লাখে !

যাঁরা যুগ যুগ ধরি পল্লীর সংবাদপত্র,
তাঁদেরি বিশেষ করুণায়
ভীষণের জৈগ নাম নানা অলঙ্কার সনে
রটিল পাড়ায় !
আপত্তি ছিল না কিছু যুবার তাহাতে, আরো
করিত সে গর্ব-অনুভব ;
কি করে নিদুকদল ? মাশিল অগত্যা ক্রেশে
শেষে পরাভব !

গাথা

এইরূপে কাটে দিন ; অল্লহে সন্তুষ্ট যুবা,
নাই চেষ্টা, নাই করে শ্রম ;
সংসারে অলঙ্ঘী এল, তবু তার নাই দৃষ্টি,
নাই ঘুচে ভ্রম ।
সোহাগীর তাড়া খেয়ে ভীষণ জাগিত কভু,
সে শুধুই ক্ষণিক উৎসাহ ;
কাণাকাণি হ'ত কিন্তু,—ভীষণের কাল, এই
রূপসী-বিবাহ !

তবু কেটে যেত দিন, নাই হ'ত অনাটন
তার ক্ষুদ্র সচ্ছল সংসারে ;
সত্ত্ব ভাগ্যবিপর্যায় যদি না ফেলিত তারে
অকূল পাথারে !

তীর্থ

পৈত্রিক যা জোত-জমী প্রায় সব নিয়ে গেল
অকস্মাৎ নদীর ভাঙ্গন,
এদিকে বাকীর লাগি পাটোয়ারী করে তাড়া,
তর্জের মহাজন ।
বাস্তুভিটা আর কিছু সামান্য নীরস জমী
কেবল রহিল অবশেষ,
খামার উজাড় হ'ল, নগদ অমিত ব্যয়ে
হইল নিঃশেষ ।

শেষকালে 'খত' দিয়ে গ্রামবাসী কোন এক
পরিচিত ব্রাহ্মণের কাছে
গোটা ঋণ লয়ে তবে শোধিল খুচুরা ধার,
উপায় কি আছে ?

গাথা

এর মধ্যে ছুটি কণ্ঠা জন্মিয়াছে ভীষণের,
তারা যেন ভীষণের প্রাণ ;
রুগ্ন শীর্ণ মেয়ে ছুটি খর্ব্ব করেছিল শুধু
মাতৃ-অভিমান !
তোরা ছেলে ন'স—বলে' সোহাগী বকিত যবে
ভীষণের হ'ত ভারি রাগ,
মেয়েদের বুকে টানি করিত তখন আরো
দ্বিগুণ সোহাগ ।

জুটে না দুধের কড়ি বৈদ্যের দক্ষিণা আদি
রুগ্ন শীর্ণ কণ্ঠা ছুটি তরে,
দরিদ্রের ভগবান, তাঁরো আশীর্ব্বাদে যেন
কিছু নাহি ভরে !

ତୀର୍ଥ

দেখে নি দৈত্তের মুখ প্রসন্ন প্রফুল্ল যুবা,
 ছুঃখ তারে করিল প্রাচীন ;
 হাসি গেল, রঙ্গ গেল ; এতদিনে সত্য সত্য
 হইল সে দীন ।

সেই ঋণদাতা বিপ্র কহিলেন একদিন,
 ‘ভীখন, কহিতে পাই লাজ,
 বহু দিন পড়ে’ আছে টাকাটা তোমার কাছে,
 দিলে হ’ত কাজ ।’
 ভীখন কহিল, ‘যদি করিয়াছ উপকার,
 ক্ষম মোরে আরো কিছু দিন ;
 এত বলি বহুকষ্টে সংবরিল আঁখিজল
 অভিমানে দীন ।

গাথা

বিপ্র ফিরাইলা মুখ ; সে কি অশ্রু সংবরিতে ?

হেসে কিন্তু গেলেন চলিয়া ;

হেনকালে দাঁড়াইলা গ্রামের হরিশ মৈত্র,

‘ভীষণ!’ বলিয়া ।

দাদাঠাকুরেরে দেখি ভীষণ সেলাম করি

আস্তে-বাস্তে চোঁকি দিল টানি,

ভীষণে আশিষি বিপ্র কহিলেন বহুবিধ

সাস্তুনার বাণী ।

অবশেষে কাছে ঘেঁসে চুপি চুপি কহিলেন,

‘যুক্তি মোর রাখিও গোপনে ;—

তুমি সে ব্রাহ্মণপাশে কবে ধার করেছিলে,

পড়ে কিছু মনে ?

ভীষণ

না পড়ুক, মোর মনে আছে সব, সাক্ষী ছিন্ত
‘খতপত্র’ লেখা যবে হয় ;
দেখেছি হিসাব ক’রে, সে ‘খতের’ নাই মাদ ;
করিও না ভয় !
অস্বীকার কর ঋণ ; দায় হতে বাঁচ যদি,
শেষে মোরে যাহা হয় দিও ;
এ গ্রামে সবাই মোর মন্ত্রণায় উঠে বসে,
মোর কথা নিও !’

ভীষণ উঠিল গর্জি, ‘ঠাকুর, এখনি উঠ,
আসিও না আগ্নিনায় মোর ;
দীন ব’লে ভাবিয়াছ এত হীন তুমি মোরে ?’
হ’ব আমি চোর ?’

গাথা

কুটিলকটাক্ষে চাহি সরিয়া পড়িলা দ্বিজ
মানে মানে শেষে কোনমতে,
ভেবেছিল। বুঝি বিজ্ঞ, এত বড় গণ্ডমূৰ্খ
নাই ভূভারতে !

এদিকে ভীষণসেখ জমী আর হাল-গরু
ধীরে ধীরে করিল বিক্রয়,
জানা'ল না কারে কিছু ঋণের সমস্ত কড়ি
করিল সঞ্চয় ।

যেদিন সমস্ত টাকা দেখিল হয়েছে জড়,
হাসিয়া সে মাতাইল বাড়ী,
সোহাগী ভাবিল, বুঝি যা কিছু আছিল বুদ্ধি
তাও গেল ছাড়ি !

ভীষণ

পরদিন অতি প্রাতে উত্তমর্গ বিপ্রপাশে

ভীষণ দাঁড়া'ল হাসি নিয়া,

মুদ্রাগুলি রাখি কাছে কহিল, 'স্নেহের ঋণ

শুধিব কি দিয়া !'

বিপ্র কহিলেন, 'থাম, দলীলটা দেখি আগে

প্রাপ্য মোর হইয়াছে কত ;'

লাগিলা কষিতে অঙ্ক পরিপক্ক সাবধান

হিসাবীর মত !

সহসা চমকি উঠি কহিলেন, 'মিছে শ্রম,

ম্যাদ গেছে দেখিতেছি 'থতে' ;

নিতে ত পারি না টাকা, ইহাতে নিষেধ আছে

হিন্দুশাস্ত্রমতে ।'

গাথা

সরল বিধব্রী যুবা অবাক্ রহিল চাহি ;

কহিল, 'এ বিধি অভিনব,

তব কাছে ঋণী আমি, এ টাকা লইতে কেন

বাধা হবে তব ?'

হাসিয়া কহিলা বিপ্র, 'ম্যাদ গেছে,—ছল ইহা ;

আমারি চক্রান্ত সে সকল ;

জীবনের ম্যাদ মোর এসেছে ঘনায়ে যে রে,

তা ত নহে ছল !

আমিও যে তাঁর কাছে বহু ঋণে ঋণী আছি,

শুধিতে কি সাধ্য আছে মোর ?

দয়ায় নির্ভর শুধু, দয়া-মায়া তাঁরি বিধি ;

দ্বিধা কেন তোর ?

ভীষণ

করিস্ না অবহেলা ক্ষুদ্রের এ উপকার !'

—এত বলি ধরিলেন হাত ;

ভীষণ রহিল স্তব্ধ, করিতে লাগিল শুধু

ঘন অশ্রুপাত ।

সহসা পড়িল পদে ; পারিল না ঠেলিবারে

মহাত্মার অঘাচিত দান ;

ভাষা কোন পাইল না কৃতজ্ঞতা প্রকাশের

আত্মহারা প্রাণ !

গৃহে ফিরি গৃহিণীকে কহিল সকল কথা

বার বার মুছি অশ্রুবারি,

সোহাগী শুনিল সব, গলিল না টলিল না

সে অদ্ভুত নারী !

গাথা

ভীষণ ভাবিল, এই দানগ্রহণের লাগি

ক্ষুণ্ণ হইয়াছে প্রিয়া মম ;

তারো প্রাণে ছিল কি না সেই অনুকম্পা-রূপা

চাপি ভার সম ।

ভাবিল সে, দৈত্যদশা ঘুচাতে হইবে আগে,

ঋণ শোধ্য তারি শোভা পায়

যারে দয়া দেখাবার সুযোগ না পায় কেহ,

কেহ নাহি চায় !

প্রথম অর্জন-ফল সমর্পিব মহাত্মারে,

তবে পূর্ণ হবে কৃতজ্ঞতা ;

তার পরে আছে মোর পরিবার পরিজন,

আপনার কথা !

ভীষণ

ধার্মিকের পুণ্য-অর্থ করি যদি পরিপাক
ঔদাশ্রে আলশ্রে এইরূপে,
ধর্ম্যে সহিবে না তাহা, করিবে সে পলে পলে
দন্ধ মোরে চুপে !

অলস ভীষণ কাজে সহসা উঠিল মাতি,
কর্তব্য হইল স্থির শেষে,—
ব্যাপারী নেয়ের দলে ভাগী হয়ে যাবে চলে
ব্যাপারে বিদেশে ।
আসিল যাত্রার দিন, লইয়া অর্ধেক পুঁজি
বাকী সব সঁপি গৃহিনীরে
বিদায় লইল কাঁদি, কণ্ঠাদের কোল হতে
নাগাইয়া ধীরে ।

গাথা

সোহাগী কহিল, ‘গিয়ে, পাঠা’য়ো খবর কিন্তু,
বিদেশে রহিও সাবধানে !’
ভীষণ চলিয়া গেল ফিরে ফিরে চেয়ে চেয়ে
প্রিয়গৃহ পানে ।
শিশুরা উঠিল কাঁদি, সোহাগী ভুলায়ে দৌছে
রেখে দিল ঘুম পাড়াইয়া ।—
বহুদিন গেল চলি, ভীষণ দিল না চিঠি,
এল না ফিরিয়া ।

চৈতালী আসিল ঘরে, আমগাছে কুঁড়ি এল,
ফল ফ’লে পেকে’ গেল ঝ’রে ;
সমস্ত আকাশ শেষে ঢেকে গেল কালো মেঘে,
নদী গেল ভ’রে ;

ভীষণ

গেল রথ, মহরম, পল্লীর উৎসব কত,
শীত গেল, বসন্ত ফুরা'ল ;
কত পিক ডেকে ম'ল, কত বেলা ঝ'রে প'ল,
চামেলী শুকা'ল ;
বুধীর বাছুর হ'ল, পরাণের বিয়ে গেল,
আরো কত ঘটল ঘটনা ;
ভীষণ এল না তবু, সোহাগী বৃথায় দিন
করিছে গণনা !

তার পরে, সেই নৌকা আসিল ফিরিয়া গাঁয়ে,
সে নেয়েরা ফিরে এল দেশে ;
সোহাগীকে পত্র দিয়ে, 'ভীষণ ভালই আছে'
জানাইল এসে ।

গাথা

ভীষণ লিখেছে লিপি—কত ঘরকন্না-কথা

জানিতে চেয়েছে বারে বারে,
কত বড় হইয়াছে মেয়ে ছুটি তার এবে,
খোঁজে কি না তারে !

পাঠায়েছে হৃদয়ের সমস্ত মমতা প্রেম
খালি ক'রে যেন চিঠি মাঝে,
লিখেছে,—ফিরিবে শীঘ্র, আসিতে পারে নি শুধু
ঠেকে গিয়ে কাজে ।

বাবার খবর জানি' মেয়ে ছুটি এক দণ্ডে
শত প্রশ্ন জিজ্ঞাসিল মাকে,
সোহাগী পড়ায়ে চিঠি জবাব লিখায়ে তার
পাঠাইল ডাকে ।

ভীষণ

যেমন প্রত্যহ যায়, তেমনি 'হেঁসেলে' গেল ;
কিন্তু আর পারে না কুলাতে ;
ভীষণ আসিবে কবে ?—এদিকে সমস্ত পুঁজি
লাগিল ফুরাতে ।
লিখিল অনেক পত্র দৈন্যদশা জানাইয়া,
কিন্তু কোন পেল না জবাব ;
ভীষণের কোথা অর্থ ?—ভাবিল, ফিরিব দেশে,—
লিখে তা কি লাভ ?

দারিদ্র্যের বিভীষিকা বসিল চাপিয়া ক্রমে
সোহাগীয়ে ঘিরে চারিধার,
হেনকালে যা ঘটিল, ক্ষুদ্র গ্রামখানি তাহে
হ'ল তোলপাড় !

গাথা

পল্লীজমীদারকণা স্নান ক'রে ঘরে গেল,
ফেলে গেল ভুলে স্বর্ণহার ;
সোহাগী আসিয়া ঘাটে দেখিতে পাইল তাহা,
লোভ হ'ল তার !
ভাবিল সে, ভাল-মন্দ কি আছে কপালে কার,
কেহ তাহা বুঝিতে কি পারে ?
ভবিষ্যতে কোনদিন দেখিতে বা পারে কাজ
বহুমূল্য হারে !

হারছড়া লুকাইয়া ঘরে সে রাখিল তুলি,
তার পরে নিত্যকার মত
গৃহকাজে দিল মন । এদিকে সে শূন্য ঘাটে
খোঁজ হ'ল কত !

ভীষণ

জলে স্থলে তন্ন তন্ন খুঁজি সবে অবশেষে
হারাইল ভরসা পাবার,
সোহাগীর কতবার মনে হ'ল, ফিরে দিই
কৌশলে সে হার ।

যদিও সে ছোটবেলা ছোট-খাট হেন কাজ
অসঙ্কেচে করেছে বিস্তর,
তবু গুরু অপরাধ ইহাই প্রথম তার
বড় হ'লে পর ।
প্রথম দৃষ্কার্য্য তারে তাই অনুতাপ-গ্লানি
সহিল সে অন্তরে অন্তরে,
দারিদ্র্যের বিভীষিকা রাখিল প্রবোধি তারে
প্রলোভন ধ'রে ।

গাথা

এ সাস্তনা ছিল তার,—দরিদ্র ভীষণ এসে
প্রশংসিবে তাহার চাতুরী,
সে চরিত্রে মোহ শুধু দেখেছিল মূঢ়া, কিন্তু
দেখে নি মাধুরী !

এদিকে করিল যাত্রা ভীষণ আপন দেশে,
ব্যাপারে হয়েছে বহু ক্ষতি ;
মূলধন খোয়াইয়া পুঁজি-পাটা চুকাইয়া
সহিয়া দুর্গতি
ফিরিছে সে গৃহপানে, তবুও তাহার প্রাণে
আনন্দের খুলেছে ফোয়ারা ;
প্রিয়া আর কন্যাদের লভিছে মিলনসুখ
স্বপ্নে মাতোয়ারা !

ভীষণ

মূল্য দিয়া পারে নাই ক্রয় করিবারে কিছু,
আসে নাই তবু রিক্ত করে,
এনেছে সুন্দর ছুটি উপল সেখান হতে
শিশু ছুটি তরে ।

শুক্লাসপ্তমীর চাঁদ যখন ডুবিয়া গেল,
তখন সে পেল নিজগ্রাম ;
পথে নাই জন-প্রাণী, ডাকিছে আঁধার-তলে
ঝিল্লী অবিশ্রাম ।

সবল সাহসী যুবা সহসা উঠিল কাঁপি
যেন কারো ছায়া দেখি কাছে,
চলিল সে ছায়ামূর্তি ঘন অন্ধকারে মিশে
ভীষণের পাছে !

গাথা

ভীষণ চলিল দ্রুত, ছায়াও দৌড়িল সাথে ;

শেষে তারি পিতৃ-রূপ ধরি

মিলাইল অন্ধকারে । ভীষণের অন্তরাগ্না

উঠিল শিহরি !

অবিলম্বে উত্তরিল আপনার গৃহাঙ্গনে

:ভীষণ প্রিয়ারে ডাকি ধীরে,

পালিত কুকুর জাগি সেই শব্দে চীৎকারিয়া

ছুটিল বাহিরে ।

সোহাগী তখনো ছিল জাগিয়া শয়্যায় শুয়ে,

ডাক শুনি চকিতহৃদয়ে

আন্তে-ব্যন্তে দ্বার খুলি বাহিরে আসিল উঠে

দীপ হাতে লয়ে ।

ভীষণ

উল্লাসে উচ্ছ্বাসে কিছু পারিল না সুধাইতে,
হাতের প্রদীপ গেল পড়ি ;
তা না হ'লে ভীষণের রক্ষ গুরু মুখ দেখি
উঠিত শিহরি ।

সোহাগী ছুটিয়া গেল গৃহে জ্বলাইতে দীপ,
কাঁপিতেছে তখনো ভীষণ ;
মুছিয়া ললাটবর্ষা, নিশ্বাস ফেলিয়া, যত্নে
বাঁধিল সে মন !
পশি গৃহমাঝে যবে হেরিল ঘুমায়ে আছে
কণ্ঠা ছুটি গলাগলি করি,
চেয়ে চেয়ে, শুধু চেয়ে শাস্তি যেন এল ছেয়ে
তার প্রাণ ভরি !

গাথা

জাগাতে চাহিল ডাকি সোহাগী তাদের যবে,
ভীষণ করিল নিবারণ ;
‘কাল্ই ত গো হবে দেখা, ভাঙ্গাবে ওদের ঘুম
কেন অকারণ ?’

বিরহীযুগলে হ’ল নিমেষে কতই কথা
লেখা-জোখা নাই কিছু তার,
ভীষণ কহিল হাসি, ‘হারায়েছি সব পুঁজি ;
এই ত ব্যাপার !
এখনও যদি পাই আর কিছু মূলধন,
সব ক্ষতি কুলায়েও শেষে
বহু লাভ হতে পারে ; কিন্তু ঋণ পাব নাক
কারো কাছে দেশে ।’

ভীষণ

সোহাগী কহিল, ‘যদি পারি দিতে হাতে হাতে
মূলধন, কি দিবে দাসীরে ?’
‘দিব এই’ !—বলি সেও হাতে হাতে দিল কিছু
লুকা প্রেয়সীরে !

সোহাগী সিন্দুক খুলি আনিল বাহির করি
ঝলমল্ স্নবর্ণের হার,
জানাইল অকপটে কেমনে সে পেল তাহা
হয়ে নির্বিকার !
অকস্মাৎ চমকিয়া ভীষণ সরিল দূরে,
দ্বার খুলি বাহিরিল বেগে ;
সোহাগী ছুটিল পাছে, সঘনে কাঁপিছে বুক
শঙ্কার আবেগে ।

গাথা

‘কি করিলি ! কি করিলি !’ চীৎকারি উঠিল যুবা
ঘন ঘন কর হানি শিরে ;
সোহাগী কহিছে, ‘যদি ক’রে থাকি অপরাধ,
ক্ষম অভাগীরে ।’

প্রিয়া তার ক্ষুদ্র চোর !—অভিমानी ভীষণে
এ স্মৃতিতে করিল পাগল ;
ভুলিতে চাহিল যুবা, ভুলিতে নারিল তাহা
করি কোন ছল ।
সেই ছায়ামূর্তি-স্মৃতি সহসা স্মরণে এল,
নয়নে জ্বলিল তীব্র তাপ ;
শূন্তে মুষ্টি হ’ল বদ্ধ, বাহিরিল অসম্বদ্ধ
বিলাপ প্রলাপ ।

ভীষণ

ভূতলে সোহাগী পড়ি, করিতেছে অনুনয়

জড়ায় চরণ দুই হাতে,

ছুটিল উন্নত যুবা অকস্মাৎ প্রেয়সীরে

ঠেলি পদাঘাতে ।

তখনি বালিকা ছুটি চীৎকারি উঠিল স্বপ্নে,

আপনি ঘুমাল পুনরায় ;

ভীষণ আঁধারে একা মিলায়ে মিশায়ে গেল

কে জানে কোথায় !

পদানত পতিপাশে সোহাগী লাঞ্ছনা ঘৃণা

কোনকালে পায় নাই হেন,

অপমানে অভিমানে ফুলিতে লাগিল বালা

ক্রুদ্ধ ফণী ঘেন !

গাথা

কহিল,—কি ক্ষতি ? যাও, কিছু দুঃখ নাহি মোর,
ভালবাসা যাও যদি ভুলি ;
ভেব না এমন মোরে, তোমার আঘাতে আমি
হয়ে যাব ধূলি !
—এত বলি এস্তে উঠি গৃহে পশি সশব্দে সে
রুধি দিল গৃহের দুয়ার,
ভুলিতে নারিল তাহা, বৃকে চাপি রয়েছে যে
অপমান-ভার !

সারাটি রজনী জাগি শয্যায় লুটিল পড়ি
তার মৰ্ম্মান্তিক যাতনায়,
প্রভাতে সমান তেজে আরস্তিল গৃহকাজ
নিত্যকার প্রায় ।

ভীষণ

হা ভীষণ, তুমি উচ্চ !—এই ভাব, এ গৌরব
সোহাগী কি বহিতে না পারে ?
নারী কি রে নর-দেবে দূর হতে পূজা দেয়,
প্রাণ দিতে নারে ?
সে কি চাহে ধূলার মানবে, যার আছে ক্রটি,
অপূর্ণতা আছে বহু ঠাই ;
তারে তারা বুকে, ভজে ; তার ভাগ্যে জড়িয়ে কি
দহে ? হয় ছাই ?

হেথা সোহাগীর দশে শ্রান্তি এল ; ভালবাসা
তখনো তাহারে ছাড়ে নাই ;
কিন্তু আপনার চেয়ে কেহ তার প্রিয় নয়,
হ'ল জয়ী তাই ।

গাথা

বন্ধ ভেদি কারো কথা উঠিতে চাহিত যবে,
সোহাগী চাপিত মুখ তার ;
তবু কারো প্রতীক্ষায় ছিল বহুদিন ; সে ত
ফিরিল না আর !
ভীষণ যে এসেছিল, এ কথা সোহাগী ছাড়া
কোনদিন জানিল না কেহ ;
সে যে আর বেঁচে নাই, এ বিষয়ে কারো কোন
ছিল না সন্দেহ ।
মেয়ে ছুটি লয়ে পরে সোহাগী নূতন বরে
হাসিমুখে সঁপিল পরাগ !
ভীষণের আলোচনা গ্রাম হতে একেবারে
পাইল নির্বাণ ।

মাল্য দান

সুকুণ জহরলাল জীবিকার লাগি
স্বদেশের নিরাময় জল-বায়ু ত্যজি
বঙ্গের অস্বাস্থ্য কোণে, ক্ষুদ্র পল্লীমাঝে
অজ্ঞাত ধনীর গৃহে সভয়ে সঙ্কোচে
যেদিন দর্শন দিল, সেদিন তাহার
লাঠি লোটো গালপাটো সম্বল কেবল !
কর্ত্তা সেকালের লোক, বনেদী ভূস্বামী,
অঙ্গনে ঘুরিতেছিল, সঙ্গে আগে পাছে
হিন্দুস্থানী রক্ষীবর্গ ; এমন সময়
ব্রাহ্মণ জহরলাল সহাস্ত্র আননে

গাথা

ভাবী প্রভুপাশে আসি উপবীত ছুঁয়ে
আশীর্ব্বাদ জানাইয়া দাঁড়া'ল নীরবে ।
জহরের দীর্ঘাকৃতি বলিষ্ঠ গঠন
সহজ স্বচ্ছন্দ ভাব বিনম্র স্বভাব
লাগিল বুড়ার চোখে ; সেইদিন হতে
জহর ধনীর গৃহে পাইল প্রবেশ ।
আজ ত সে জমাদার, দলের প্রধান !
এদিকে সে মহাজন, দশগুণ স্মৃদে
প্রজাদের ধার দেয় আপদে বিপদে,
নিজ প্রাপ্য বুঝে লয় হিসাবীর মত ;
বাকী আদায়ের লাগি লাঠি কাঁধে ফেলি
আপনি বাহির হয় রোদ্ৰ বৃষ্টি ভুলি !
আপনা নিগ্রহ করি ক্রেশে প্রাণপণে
আসিছে সঞ্চয় করি কৃপণের মত,

মালা দান

রূপসী ষোড়শী কণ্ঠা আজিও অনূঢ়া
রয়েছে দরিদ্র-গৃহে ; এ ভাবনা তারে
নিশিদিন করিতেছে পীড়ন তাড়ন !
তত্পরি মাতা, গৃহকর্ত্রী ভ্রাতৃজায়া
দূর হতে প্রবাসীরে বার বার করি’
‘স্বরজ হয়েছে বড় !’ স্মরণ করায়
দিতেছে গঞ্জনা । কোথায় পণের কড়ি ?
সে দুর্শ্মল্য আজিও ত হয় নি সঞ্চিত !
কে বুঝে সে কথা ? অভাবের অভিযোগ
দৈর্ঘ্যাক্ষমাহীন ।

পাঠক, পশ্চিমে চল ;
ভগ্নতনু রুগ্মমন বাঙ্গালিনী ছাড়ি
দেখে আসি কবিচিত্র মানবের ঘরে,
রূপের সার্থক স্বপ্ন—তরুণীর ছবি,

গাথা

স্বাস্থ্যে উদ্ভাসিত কান্তি, সজীব হৃদয় !
দেখে আসি, একাকিনী কেমনে স্রবজ
গম ভাঙ্গে গুঞ্জরিয়া মধুর কজরী ;
সুখস্পর্শে হর্ষভরে কাকলী করিয়া
মন্মেষে মন্মেষে চরিতার্থ, ঘুরিতেছে জাঁতা ;
কাঁকন বাজিছে তালে, নাচিছে বেশর,
আঁটা-কাঁচলীতে আঁটা বক্ষ হুলিতেছে,
কালো কেশ এলো হয়ে পড়েছে ছড়ায় !
অড়হরশীর্ষগুলি কাঁপায় তখন
ফিরিছে পশ্চিমবায়ু ; আহীরবালক
গৃহ-মহিষের পাল চরাইছে গোষ্ঠে,
মন ঘুরিতেছে, যেথা শিশু-বৃদ্ধ মিলে
ফাঁদ পাতি বসি আছে ধরিতে বুলবুল !
—থামিল কজরী ; লুপ্তিত নিচোলবাস

সরমে আকুল হয়ে এলো কেশপাশে
 চাহিল লুকাতে ।—প্রতিবেশী বংশীলাল
 কখন দাঁড়া'ল আসি নিঃশব্দচরণে ;
 বিমুগ্ধ দেখিতেছিল, পাদপদ্মতলে
 তুচ্ছ গম ব্যর্থ জন্ম করিছে সার্থক
 আপনারে চূর্ণ করি ! চারিচক্ষে হ'ল
 চকিতে মিলন দীর্ঘ বিরহের তরে !
 উল্লাসতরলকণ্ঠে তৃপ্তিস্থখোচ্ছ্বাসে
 মধ্যাহ্নেরে বিদ্ধ করি অদূরে মধুরে
 কে ওই উঠিল গাহি গজলে সহসা
 প্রণয়ের আবাহন অভিমানভরা !
 যুবতী হাসিয়া পুন ধরিল কজরী
 মৃদুস্বরে । ধীরে ধীরে এলোকেশ হতে
 নিচোল পড়িল খসি ; বুঝি সাথে সাথে

কৰ্ম হতে মনটিও পড়েছে খসিয়া !
 দূর হতে দূরান্তরে সঙ্গীতের তান
 হইল করুণতর ; যেন গায়কের
 তপ্তঅশ্রুভারাক্রান্ত অব্যক্ত হৃদয়
 রসালমৃণাললোভী মরালের মত
 বাঞ্ছিতেরে বেড়ি বেড়ি লাগিল কুজিতে !
 সেই সুরে সেই ছন্দে সেই তান-লয়ে
 কি কাকূতি, কি আকূতি, ব্যাকুল প্রকাশ !
 ক্রমে, ক্ষীণ—ক্ষীণতর সঙ্গীতের রেখা
 শূন্যে মিলাইয়া গেল কুহকের মত !
 যুবতী উঠিয়া, গৃহে পশিল নিশ্বাসি ।

বংশীলাল একমাত্র যুবা বংশধর
 নিরভিভাবক, শূন্য সম্পন্ন-গৃহের ।
 তাজা কাঁচা সাদা মন নির্দোষ নিশ্চল ।

তিতির লড়ায়ে আর তোতারে পড়ায়ে
 ধনীর ছুলাল এই দোবেনন্দনের
 স্বচ্ছন্দে কাটিত দিন । নিদাঘনিশায়
 গৃহে গৃহে শয্যাগুলি পড়িত বাহিরে,
 জ্যোৎস্নাযামিনীর সেই প্রশান্ত নিশীথে
 বংশী বাজাইত বাঁশী নিজগৃহে বসি ;
 আবেশে শয্যায় পড়ি মোহিতা স্বরজ
 করিত শ্রবণ ভরি স্বরসুধা পান,
 স্বপনে স্বপনে দিত নিশি কাটাইয়া !
 কত দিন কত স্নিগ্ধ বসন্তপ্রভাতে
 যখন আমের বাগে পশি মত্ত বায়ু
 সুব্রাণ উড়ায়ে দিত, শাখা-অন্তরালে
 যুগ্ম বনকপোতের প্রথম কুজন
 আসিত সমীরে ভাসি । বংশী সাধ ক'রে

গাথা

আসিত আপন ক্ষেতে 'জন্যর' তুলিতে ।
সেই ভোরে আমবাগে বাজিত ঘুঙ্গুর,
উড়িত কেশের সাথে মিশি নীলাম্বরী !
ঝরা-আম কুড়াইতে এসেছে স্বরজ,
যত করে, নাহি ভরে অবাধ্য আঁচল !
এইরূপে দুইজনে মাঠে ঘাটে বাটে
চকিতে মিলন হয় ; কভু সে মিলন
শুধু মিষ্ট অনুভূতি অব্যক্ত প্রাণের ;
কভু চোখে চোখে শুধু প্রশ্ন স্নগভীর ;
কভু হাস্যবিনিময় ! কিন্তু কোনদিন
এ অপূর্ব যুগলের প্রেমের মন্দিরে
ভাষার গঙ্গল শব্দে বাজে নি আরতি !
তবু দৌহে প্রাণে প্রাণে কত আপনার !
মুক প্রেম ধরা দেয় মৌনী প্রকৃতির

মাল্য দান

নিঃশব্দ ইঙ্গিত সম স্বচ্ছ মহিমায ;
ভাষা সে প্রকাশাতীত রহস্তে পশিয়া
আপনারে করি তোলে জটিল আবিল !

এদিকে পণের মুদ্রা হ'ল যবে জড়,
প্রবাসী জহরলাল চলিল স্বদেশে ।
পথে ছুএকটি তীর্থে লভিয়া বিশ্রাম
স্মৃতি সঞ্চয় করি হ'ল অগ্রসর ;
নিজ পল্লীসন্নিকটে লব্ধ-আশা সম
অধীর বাষ্পীয় রথ থামিল যখন,
জহর নিশ্চিত্ত সুখে ফেলিয়া নিশ্বাস
নামিয়া পড়িল ব্রহ্মে । গৃহ-অভিমুখে
চলিল চঞ্চলপদে ; আনন্দচপল
মন তার কোন্‌কালে চলে গেছে ঘরে !
স্বদেশের মায়ামাটী মায়াকাটী সম

গাথা

পরশি জাগায়ে দিল সুপ্ত কল্লনারে ।
মনে এল কত কথা ; কত প্রিয় মুখ !
সেই মাতৃহীন মেয়ে ! বংশের প্রদীপ,
একমাত্র ভাতুপুত্র অভিরাম শিশু !
জ্বর কণ্ঠারে ডাকি প্রবেশিল গৃহে ;
স্বরজ সে স্নেহাঙ্কুরে ব্যাকুল বিস্ময়ে
বহুক্ষণ পারিল না কহিবারে কিছু !
বৃদ্ধা মাতা কাছে বসি প্রোঢ়-শিশুটিরে
সানন্দে কম্পিত কর লাগিলা বুলাতে ;
ভাতৃবধু মৃদু হাসি' প্রীতিসন্তোষে
তুষিলেন প্রবাসীরে । সাত বছরের
বংশের প্রদীপ, সরি সংশয়ে সঙ্কোচে
ভীত কোতূহলী নেত্রে আগন্তুক পানে
রহিল চাহিয়া ! শেষে একান্ত নির্ভরে

মালা দান

স্নেহাদরে ধরা দিল নিমেষের মাঝে ।
মূর্ত্তে বৈচিত্র্যহীন একটা কুটীরে
আড়ম্বরবিরহিত প্রগাঢ় স্নেহের
প্রশান্ত উৎসবস্রোত লাগিল বহিতে ।
সহসা জহরলাল মুমূর্ষুর মত
উঠিল বিবর্ণ হয়ে ; দেহ হতে স্নেহে
বাঁচায়ে এনেছে যাহা দীর্ঘ পথ বাহি,
সেই বহুকষ্টার্জিত পরিপূর্ণ থলি
কোন্ অসতর্ক ক্ষণে এসেছে হারিয়ে !
কিছুক্ষণ নিরুদ্দেশে নিষ্ফল সন্ধানে
ঘুরিয়া জহরলাল ফিরে এল ঘরে ।
মিলনকৌতুকদীপ্ত প্রবাসীর গৃহ
একেবারে হয়ে গেল বিষাদমলিন !
জ্বলিল না সন্ধ্যাদীপ আর ; পিতা পুত্রী

গাথা

আর ছুটি সমদুঃখী বিলাপিনী নারী
অনাহারে সে রজনী করিল যাপন ।

পরদিন অপরাহ্নে বংশীলাল আসি
বয়োবৃদ্ধ জহরের পাদম্পর্শ করি
বসিল নিকটে । রহিল সে মিতভাষী
বহুক্ষণ অশ্রুমনে চিন্তায় বিভোর ;
অবশেষে স্থান কাল কিছু নাহি গণি
অধীর-উৎকর্ষাতপ্ত বিগুঞ্চ অধরে
জড়িত স্থলিত কণ্ঠে আশায় নিরাশে
কহিল অ-বাক্পটু, ‘কর যদি দান
তব কণ্ঠারত্ন দীনে, করিবে উদ্ধার
উদাসীন লক্ষ্যহীন একটি জীবন !’
রত্নলোভী ছুরাকাজ্জ্ব কাঙ্গাল বাঁচিল,
জানায়ে দাতারে যেন মর্মের প্রার্থনা !

মাল্য দান

আপনার ভাবে ভোর, সরল উৎসাহে
সে সংসার-অনভিজ্ঞ লাগিল কহিতে,
'ভাবিও না পণ লাগি ; আমি ঘৃণা করি
শুধু লয়ে শোণিতের আদান প্রদান !'
না বুঝি' জহরলাল উত্তরিল রোষে,
'হৃদিনের অর্থবল, হে ধুষ্ট বালক,
তারি এত অহঙ্কার ! চাহিছ যুচাতে
চিরন্তন কুলদৈত্য ? পঙ্কু নহি আমি,
জানি আমি আপনাতে করিতে নির্ভর ;
তব অযাচিত কৃপা রাখ তুলে কোন
পরমুখাপেক্ষী তরে, দান্তিক যুবক !'
ক্ষোভে রোষে যুবকের ফুটিল না কথা,
হ'ল মুষ্টি দৃঢ়বদ্ধ ; অমনি স্মরণে
ভাসিয়া উঠিল কার মোহিনী প্রতিমা ;

গাথা

সেই চিরসুধাময়ী রূপা-নির্ঝরিণী,
সে কি হতে পারে এই পাষাণের মেয়ে !-
শুদ্ধ বালকের মত, বদ্ধ পাগলের
প্রায়, অসম্বদ্ধ প্রলাপ উচ্চারি ক্ষোভে
দ্রুতপদে হ'ল যুবা গৃহের বাহির ।
গৃহে গিয়া আদরের পোষাপাখীগুলি
দিল উড়াইয়া সব ; সেই প্রিয় বাঁশী,
কত উৎসবের দিনে, মিষ্ট অবসরে,
কত মধুযামিনীর জ্যোৎস্নায় মিশিয়া
থুলেছে যে হৃদয়ের নিরুদ্ধ ছয়ার,
কত গজলের তানে, আকুল আহ্বানে
হাসিয়াছে কাঁদিয়াছে ফিরিয়াছে সাথে,
ভাঙ্গিয়া ফেলিল তারে নিশ্চয়ের মত !
দ্বার দিয়া শয্যা'পরে লাগিল লুটিতে !

হুঃখচ্ছায়াস্পর্শহীন একান্ত ভঙ্গুর
 পেলবজীবনবৃন্তে প্রথম আঘাত,
 এই প্রবল আঘাত ! বহুক্ষণ পরে
 বাহিরিল দ্বার খুলি অভিমানী যুবা,
 বিবর্ণ বিগুঞ্চ মুখ, যেন ঘনঘোর
 সত্ত্ব ঝঙ্কারগঙ্গাস্ত গন্তীর গগন !

দুই মাস গেল চলি । এই দীর্ঘ দিন
 সূরজেরে বংশীলাল দেয় নাই দেখা ;
 একদিন সূরজেরে নিভূতে পাইয়া
 জানা'ল সকল কথা । সেদিন প্রথম
 ছুটি রুদ্ধ বাসনার নিঃসহ উত্তাপ
 বিষাদের অশ্রুজলে পূত প্লুত হয়ে
 মূর্ত্তি লয়ে ধরা দিল ভাষার বন্ধনে !
 কহিতে লাগিল যুবা, 'জানিও, জীবনে
 পারিব না তব আশা করিবারে ত্যাগ,

ছরাশারে বুকে করি করিব লালন !
 শোন, যাহা স্থির ক'রে আসিয়াছি . আজ,-
 তোমার পিতার সাথে কাল উষাকালে
 করিব বিদেশযাত্রা ; তোমারি লাগিয়া
 দীর্ঘ প্রবাসের মাঝে রহিব বিলীন
 তোমাহারা মরু-ঘোরে ; ফিরিব যখন,
 তোমার পিতার মন করি অধিকার
 তোমাতেও পাব না কি চির-অধিকারে ?
 কিন্তু তার আগে, তুমি কর অঙ্গীকার,
 যাবৎ না ফিরি আমি, রহিবে আমারি ?
 দেহে মনে ততদিন কেবল আমারি ?
 হারাবে না আপনার কুমারীগৌরব
 মিষ্ট ছল কিংবা ধুষ্ট বলের নিকটে ?
 উত্তরিল দৃঢ়স্বরে প্রেমগর্ভক্ষীতা,

‘করিলাম অঙ্গীকার ।’ কহিল যুবক,
 ‘হাতে হাত দিয়ে ওই চন্দ্রপানে চাহি
 করহ শপথ তবে, ভুলিব না কভু
 এই শান্ত রজনীর নিস্তরু বাসরে
 উঠিল নক্ষত্রলোকে যে মিনতি মোর !’
 ‘ভুলিব না অঙ্গীকার ।’ কহিল যুবতী ।-
 সেই প্রথম পরশ ! রহিল স্তম্ভিত
 করপুটে করপুট, গগনবিহারী
 মিলন-উৎসুক ছুটি মেঘের মতন !
 সেই প্রথম পরশ ! নিমেষ ফেলিতে
 অজ্ঞাতে বহিয়া গেল তাড়িতপ্রবাহ
 ছুটি থর থর দেহে ! মাথার উপরে
 চকোর উড়িতেছিল ; বহিয়া আসিল
 গ্রামের নেপথ্য হতে কোকিলকাকলী ।

গাথা

আসন্নবিরহত্রাসে দুটি স্তব্ধ প্রাণী
ক্ষণেক বিহ্বল রহি, মোহ হতে জাগি
যুগমিথুনের মত সচকিত হয়ে
ছুই জনে ছুই পথে গেল মিলাইয়া !

তারপরে যথাকালে প্রতিবেশী দুটি
স্বদূর প্রবাসে এল । কবে ধীরে ধীরে
বংশী প্রোঢ়-জহরের অশ্রান্ত সেবায়
আপনারে সঁপি দিল ভক্তভূত্য সম ।
পাকশালে প্রবেশিয়া পাইত জহর
যথাস্থানে রন্ধনের উপচারগুলি,
দেখিত শয়নকালে শয্যা আছে পাতা ।
প্রথমে ধনীর হাতে হেন সেবা নিতে
ব্যস্ত সঙ্কুচিত হ'ত দরিদ্র জহর ;
সনির্বন্ধে বংশীলালে করিত বারণ ।

মাল্য দান

ক্রমে ক্রমে অভ্যাসের অজ্ঞাত নেশায়
সঙ্কোচের গুরুভার লঘু হয়ে এল,
রুতজ্ঞতা শুষ্ক হয়ে প্রভুত্ব দাঁড়া'ল
পরুষ কঠিন হয়ে । যুবা ধৈর্য্য ধরি
সহিতে লাগিল সেই অত্মায় বিচার ।
জ্বর পড়িল রোগে । দিবারাত্র একা
রোগীর নিঃসঙ্গ ক্লিন্ন রোগশয্যাপাশে
অবহিত শুশ্রুষায় নিপুণ সেবায়
লগ্ন মগ্ন হয়ে ছিল যুবা বংশীলাল ।
জ্বর নীরোগ হয়ে কহিল সম্মেহে,
'শোধিতে নারিব কভু তোমার এ ঋণ !
বংশীর অন্তর হতে কি যেন প্রার্থনা
ফোট'-ফোট' হয়ে শেষে নারিল ফুটিতে !
নববর্ষ এল বঙ্গে । এবার জ্বর

গাথা

কণ্ঠাবিবাহের লাগি হইল ব্যাকুল ;
আপন সঞ্চিত অর্থ মিলিল যখন
প্রভুর সদয় দানে, ভাবিল জহর,
কোনমতে শুভকর্ম্ম হয়ে যাবে শেষ ।
কহিল সে বংশীলালে, ‘চল, একসাথে
যেমন এসেছি দৌহে, ফিরি সেইরূপে ।’
বংশী নতজানু হয়ে কহিল বিনয়ে,
‘সকলি তোমার হাত ! যদি দাও আশা,
তবেই ফিরিব ঘরে ! নহে, এই শেষ !’
অকস্মাৎ জহরের পা ছুটি জড়ায়ে
ঝর্ ঝর্ অশ্রুজলে লাগিল ধোয়াতে !
নিস্তব্ধ নিৰ্জ্জন কক্ষে নীরব মিনতি
গ্রহত হইতেছিল কঠিন প্রাচীরে !
কহিল জহরলাল, ‘ছাড় তার আশা ;

ধিক্ যুবা, এই তব বলের বড়াই ?
 ছিঁড়িতে পার না ক্ষীণ একটি বাঁধন ?'
 বালকের মত যুবা সাধিল, কাঁদিল ।
 অটল জহরলাল ।—সহসা বন্ধিত
 উঠিয়া, ক্ষিপ্তের প্রায় খরদৃষ্টি হানি
 চলে গেল কক্ষ হতে, অক্ষুট ভাষায়
 উচ্চারিয়া অভিশাপ মর্মান্তিক খেদে,
 'যাও যাও ; এই স্পর্ধা, এ কঠিন পণ
 একটি কুসুম-করে চূর্ণ, দেখে এস !
 তখন এ অনাদৃতে আসিবে সাধিতে !'

এদিকে জহরলাল ফিরে এল দেশে ;
 শুভদিনে শুভক্ষণে শেষে একদিন
 জহরের নির্ঝাচিত সুসজ্জিত বর
 আনন্দ বিশাল আর জ্বলন্ত মশাল

গাথা

অন্তরে বাহিরে লয়ে, ধীরে বাহিরিল
সচকিত পল্লীপথে কত্য়ামৃগয়ায় !

দম্ভ্য যেন প্রবেশিছে গৃহস্থের ঘরে,
পশিল সদলবলে বিবাহপ্রাক্ষণে !

একটি বিহ্বল আর্ত নারীহৃদয়ের
সমস্ত গৌরবগর্ভ আশা শান্তি স্মৃথ
দম্ভ্যরি মতন বলে লইল লুঠিয়া !

যথাকালে কৰ্মস্থলে ফিরিল জহর ।
ললাটের ঘৰ্ম মুছি ঝোলা-ঝুলি রাখি
বংশীলালে হেরি কাছে কহিল নিশ্বাসি,-
এতদিনে পরিত্রাণ ! বরের লক্ষ্মীরে
দিয়েছি পরের করি জনমের মত !—
প্রোঢ় একবিন্দু অশ্রু ফেলিল মুছিয়া ।
যুবা দেখিল না তাহা ; তখন তাহার

বিমথিত হৃদয়ের প্রচণ্ড বিপ্লবে
 একদণ্ডে বিশ্বভূমি হয়ে গেছে লয় !
 উত্তপ্ত বেদনাক্লিষ্ট মাথার ভিতরে
 প্রলয়ের শঙ্খনাদ হতেছে সঘনে !
 কতবার মনে হ'ল, নিষ্ঠুর জহর
 করিতেছে পরিহাস ! দেখিল চাহিয়া,
 সে মুখ বিকারহীন চাতুরীবিহীন ।
 বৃশ্চিকদষ্টের প্রায় সহসা ছুটিয়া
 উপাধানে মুখ ঢাকি কহিতে লাগিল
 গুমরি আপন মনে,—ওরে উপাধান,
 ওরে মোর চিরসার্থী, আজন্ম-আশ্রয়,
 তোর কোলে মাথা রাখি সোণার শৈশবে
 দেখেছি সোণার স্বপ্ন ; কৈশোরে যৌবনে
 কত আনন্দের দিনে উদ্ভাস্ত হইয়া

গাথা

তোর বুকে লুকায়েছি অধীর উচ্ছ্বাস
প্রগল্ভ স্নেহের ! হৃদ্দিনে আহত সম
কতবার তোর বুকে লুকায়েছি মুখ !
ওগো লজ্জানিবারণ, আজ ঢাক মোরে
বাহিরের কোতূহলী খরদৃষ্টি হতে !
হে হৃৎখ, হে প্রিয়, তোরে ব্যর্থ অশ্রু দিয়ে
করিব না অবমান ; নিব প্রতিশোধ !
তার পরে এস তুমি অনন্ত অপার
হতাশের চিরসার্থী হে মৌন রোদন !—
ভাবিল সে, বিশ্বমাঝে যত নারী আছে
সবাই প্রলয়ঙ্করী ; সবাই পাষাণী ;
দেবী ব'লে পূজা পায় মূঢ়ের নিকটে !
হা পুরুষ, প্রাণভরা অভিমান লয়ে
এস না বুকিতে তুমি রমণীহৃদয় !

স্বজন সমাজ আর ধর্ম্মেরে লজ্জিয়া
নারী যবে ভালবাসে, আপনার কাছে
থাকে যে সে অপরাধী ; শুষ্ক কর্তব্যেরে
দ্বিগুণ আবেগে তাই ধরে সে আঁকড়ি !
প্রাণ দিয়ে প্রাণাধিকে ভানমাত্র লয়ে
শূন্য-দেহ ডালি দেয় সংসারের পায় !

প্রথম ভাবিল যুবা, যোগ্য প্রতিশোধ,
রূপসী বিবাহ করি তারে বিস্মরণ ।
পরক্ষণে মনে হ'ল, দুবার কি কেহ
পারে ভালবাসিবারে ? তবে কেন মিছে
একটি কোমল প্রাণ করিব নিষ্ফল ?
শেষে যাহা হ'ল স্থির, ক্ষিপ্ত তার ফলে
হৃদিমহিমার গুহ্র তুঙ্গ শৃঙ্গ হতে
সহসা গভীর পক্ষে আসিল নামিয়া !

গাথা

সুতিক্ত ঔষধ যেন রোগীর নিকটে,
চিরপ্রেমপরায়ণ কল্পনাপ্রবণ
হৃদয়ে লিপ্সার স্পর্শ লাগিল তেমন !
শেষে তাতে শক্তি এল ; তবুও তা যেন
প্রাণহীন শুধু এক উদাস বিলাস !
বার বার মোহঘোরে আঁধার কারায়
একটি সুদূরস্থিত দেবীর প্রতিমা
মুক্তির আলোক লয়ে পশিত সন্নেহে ;
বংশী তারে জোর ক'রে দিত তাড়াইয়া !
বহুদিন গেল চলি ; তবু বংশীলাল
স্বরজেরে কোনমতে নারিল ভুলিতে ;
প্রেমের নিকটে কাম হারায় গরিমা
छলে বলে আপনারে রাখিল জাগায়ে !
তাই জীর্ণবস্ত্রসম এক প্রেম ছাড়ি

নিত্য নূতনের পাছে লাগিল ঘুরিতে ।
 বাঁকে না সরল বাঁশ ; বাঁকালে তাহারে,
 থামে না সে মধ্যপথে, অচিরে সে করে
 আপনারে বিনাশের অতলে নিক্ষেপ !
 বারেক সরল যুবা বুঝিল যখন
 অকারণে হয়েছে সে বঞ্চিত লাঞ্চিত,
 আপনারে একেবারে দিল ভাসাইয়া
 দিশাহারা অন্ধকার নিপাতের স্রোতে ।

কত বর্ষ গেছে চলি ; এর মাঝে কত
 ঘটেছে ঘটনা । মরেছে জহরলাল ;
 কণ্ঠার বৈধব্য তারে হয় নি সহিতে ।
 বিবাহান্তে তিন বর্ষ না হইতে গত,
 সুরজ বিধবা হয়ে তপস্বিনী সাজি
 মর্ম্মমাঝে অগ্নি জ্বালি করিছে সাধন,

কোন্ দেবতার লাগি ? সুধায়ো না তাহা !
 সে রহস্ত থাক্ ঢাকা শোকের তিমিরে !
 গুরু কর্তব্যের ভরা আলোহীন পথে
 অবিশ্রান্ত শ্রান্ত পাস্থ বহিতে বহিতে
 রঙ্গিন অতীত পানে যদি চেয়ে দেখে
 বারেক, ক্ষণেক তরে,—ক্ষমা নাই তার ?

পঞ্চদশ বর্ষ পরে স্বদেশের পানে
 চলিয়াছে বংশীলাল ! এ কি সেই যুবা,
 পবিত্র সুন্দর স্বচ্ছ প্রভাতের মত ?
 এ যে, রোগে অত্যাচারে ভগ্নজীর্ণতনু,
 পাপে তাপে অবসন্ন অকালস্থবির !
 সর্কশেষে যে নারীরে বড়ই নির্ভরে
 করিল সে শয্যাসখী, সেও কিছুদিনে
 ছই দিবসের শিশু দিয়ে উপহার

মাল্য দান

তারে ছাড়ি মরণেরে করিল বরণ !
স্বহস্তলালিত সেই প্রাণের পুতুলে
অন্ধের যাষ্টর মত বক্ষে আঁকড়িয়া
ফিরিছে স্বদেশে—গৃহে ! দীর্ঘপথ বাহি
বাম্পোদ্গারী মায়ারথ থামিল যখন,
স্বদেশের পুণ্যভূমি ঠেকিল চরণে ;
উদাস উদ্দেশহীন চলিল প্রবাসী
ধীরপদে গৃহমুখে । পথে যেতে তারে
কেহ সুখাল না ডাকি ! ক্রুর কোতূহলে
অজ্ঞাত অপরিচিত খরদৃষ্টিগুলি
বিঁধিতে লাগিল তারে ! গুনায়ে গুনায়ে
ক্রীড়ামত একপাল অশিষ্ট বালক
তার পক্কেশ লয়ে বাঙ্গ আরম্ভিল !
পরলোকপ্রত্যাগত প্রেতাত্মার মত

গাথা

অভাগা ভাবিতেছিল, কি না ছিল মোর ?
প্রেম হয়েছিল ব্যর্থ, কি ছিল তাহায় ?
পবিত্র সমাধিসম তবু যদি আহা,
আমার সে অনাবিল গুহ্র নিরাশারে
গুধু সাজাতাম, গুধু করিতাম পূজা
কল্পনার সুরভিত কুসুমে কুসুমে,
জীবন কাটিয়া যেত সৌরভে গৌরবে !
আমার অতীতে কই স্মৃতির সুঘ্রাণ ?
আজ কিছু নাই মোর ; কেহ নহি আমি !
সজীব সরস এই জনতা প্রবাহে
কি বাহুল্য, কি নীরস অস্তিত্ব আমার !
এই কৰ্ম্মকোলাহলে ঘন লোকালয়ে
কত স্মৃতি, কত মূর্তি, কত আয়োজন
নব নব আনন্দের ! কোথা আছি আমি ?

মাল্য দান

সকলি বিচিত্র এ যে সকলি নূতন !
হায় হায় পুরাতন, হায় উপেক্ষিতা
হা আমার জন্মভূমি, তুমি কি গো সেই ?
বল বল কোন্ দোষে, যে মোহিনীবেশে
গিয়াছিল রাখি তোমা বিদায়প্রভাতে,
হারায় ফেলেছ সেই রূপের মহিমা !
কেন দেখিতেছি সত্ত্ব মিলনসম্মুখায়
রূপহীনা বর্ষীয়সী তোমারে, রূপসী !
শৈশবের স্মৃতিস্বপ্ন, কৈশোরের সাধ,
যৌবনের লীলাগার, প্রৌঢ়ের স্মরণ,
তুমি সেই জন্মভূমি ?—আন্, ফিরে আন্
তোর সাথে সেই দিন ! সেই প্রিয়মুখ,
সেই হাসি, সেই বাঁশী, সেই গম-ভাঙ্গা,
মায়ামৃগ ধরাধরি স্বপন-গহনে !

বালকেরে ক্রোড়ে লয়ে আবিষ্টের মত
 দৌড়িতে লাগিল প্রৌঢ় ; যেন কারো সাথে
 মুহূর্ত্ত বিলম্ব হ'লে নাহি হবে দেখা !
 যখন থামিল পদ, দেখিল চাহিয়া,
 জহরের গৃহাঙ্গনে রয়েছে দাঁড়ায়ে ।
 বুঝিতে নারিল, কোন্ ঝঞ্ঝার আবেগ
 দিশাহারা জলমগ্ন নাবিকের মত
 আনিয়া ফেলেছে তারে পরিত্যক্ত কূলে !
 এসেছিল পিত্রালয়ে দেখিতে সুরজ
 পীড়িত পিতৃব্যপুত্রে ; আজ ফিরে যাবে
 পুন পতিগৃহে । শিবিকা প্রস্তুত দ্বারে ।
 সুরজ অঙ্গনে ছিল, কারে দেখি যেন
 উঠিল সে চমকিয়া,—এ যে সেই মুখ !—
 আগুস্তক একদৃষ্টে চাহি কিছুক্ষণ

সহসা উঠিল ডাকি, ‘স্বরজ ! স্বরজ !

হা ফুটন্ত লাবণ্যের জীবন্ত সমাধি !’

অশ্রুহীন বিষাদের নিবিড় ছায়ায়
একান্তে মিলিল ছুটি প্রবীণ প্রবীণা !
দৌহে চিরপরিচিত, তবু দুইজনে
কি বিচ্ছেদ-ব্যবধান আজ কায়মনে ;
কি স্বতন্ত্র, কি বিচিত্র ছুটি নরনারী !
প্রক্ষুট গোলাপটিরে যত্ন তুলে রাখ,
শেষে পক্ষকাল পরে পূর্বস্মৃতি লয়ে
দেখ তারে,—যত দেখ, যত লও ভ্রাণ,
কিছুতে সে আদর্শের নাহি পাবে দেখা ;
মনে হবে, যেন কোথা—কত দূরে এসে
স্মৃতির সে যোগসূত্র ছিন্ন হয়ে গেছে !

স্বরজ সঙ্কেত করি গৃহের সকলে

গাথা

কহিল, রহিতে দূরে । নিভতে নীরবে
মুখোমুখী দুইজন বসিল নিশ্চল,
বিরহীযুগল আজ কি পরিবর্তিত !
পূর্বের আবেগ লয়ে স্মৃতির সেতার
যতই বাজাতে যায় প্রাণপণ বলে,
ছিঁড়ে ছিঁড়ে যায় তার, আসে না বন্ধার !
দৌহার জীবন-মেঘে তবু দুইজনে,
দুই কেন্দ্রে নির্ঝাসিত দুটি তারা সম
আছে জাগি ; আর যত গত ইতিহাস,
দুর্ভাগ্য দুঃস্বপ্ন ভ্রান্তি মিথ্যা বৃক্ষি সব !
খুলে গেল দুজনের হৃদয়-নির্ঝর !
কহিল সুরজ, 'মোরে করিও বিশ্বাস,
পরুষ বলের কাছে ভীকু অসহায়
আর্ত নারীহৃদি লয়ে বহুদিন যুঝি,

মাল্য দান

তার পরে করিয়াছি আত্মবিসর্জন !
কেমনে কাহার সাথে হ'ল পরিণয়,
বিহ্বলা বিবশা আমি, নাহি জানি কিছু ।
বংশীর হৃদয়াকাশে সংশয়ের মেঘ
এতদিনে গেল নামি । আজ বংশীলাল
বুঝিল, রহশ্রময় নারীপ্রকৃতির
স্নিগ্ধ শালীনতা, নহে ক্ষুদ্র দুর্বলতা ।
নারীর চরম শক্তি, আত্মবিসর্জনে ;
নহে তাহা স্বার্থাক্ষের বিদ্রোহঘোষণা !
দগ্ধদিগ্ধ মর্শ্মোখিত স্তম্ভ অনুতাপ
লাগিল দহিতে তারে ; জীবনের ভার
বড় গুরু মনে হ'ল ! কহিল কাতরে
অনুতপ্ত বংশীলাল, 'আমি ?—হায় হায়,
এই আমি !—আজ তব করিব বিচার ?

দশের উচ্ছিষ্টভোজী অস্পৃশ্য কুকুর
 মন্দির-বাহিরে পড়ি দীননেত্রে থাকে
 শুধু রূপাপ্রতীক্ষায় ; যা পায় প্রসাদ
 দেবতার, ধন্য মানি করে তা গ্রহণ !
 তোমার পবিত্র স্মৃতি কলঙ্কিত করি
 আমি শুধু—আমি দেবী, রূপার ভিখারী !’
 ধীরে ধীরে শোচনীয় আত্ম-ইতিহাস
 শিশুসম অকপটে করিল প্রকাশ ।
 সঙ্গী বালকের পানে চাহি অবশেষে
 তর্জনীনির্দেশে তারে দেখায়ে কহিল
 পূর্ণপিতৃগর্বভরে, ‘এই যাহু মোর,
 রসাতলজাত এই স্বর্গচিহ্নলেশ,
 কলঙ্কমণ্ডিত এই নির্দোষ বালক,
 গরলমস্কিত স্নেহা, আছে শুধু মোর

মাল্য দান

দৈব আশীর্বাদ সম দীর্ঘ অভিশাপে !'
করণাকোমল কণ্ঠে কহিল সুরজ
পুলকিত চমকিত করি বংশীলালে,
'এ নারীর প্রেমস্বর্গে কল্পনানন্দনে
যে দেবতা কৃপা করি দিয়াছিল দেথা,
অদীন অম্লানকান্তি অকলঙ্ক যুবা,
আমি ভালবাসিয়াছি সেই বংশীলালে ;
চিরকাল সেই ছবি আঁকা রবে প্রাণে !
পুরুষের প্রেম, কস্মক্লান্ত জীবনের
ক্ষণ মুগ্ধ-অবসর ! জান না নারীরে,
ভালবাসা জীবনের সর্বস্ব তাদের ।'
সতৃষ্ণনয়নে চাহি বালকের পানে
কহিল, 'একটি ভিক্ষা মাগি তব কাছে,
মা-হারা বাডারে মোরে দাও চিরতরে !

গাথা

ওর স্মিত বিভাসিত অকলঙ্ক মুখে
তোমার কিশোরমূর্তি দেখিতেছি আঁকা ।
বাৎসল্যক্ষুধার গ্রাস কাড়িছু তোমার,
লইও না অপরাধ পূর্বস্নেহ স্মরি ;
এই ভেবে ক্ষমা দিও, স্বার্থান্ধ হৃদয়
কারো শেষস্মৃতিচিহ্ন নারিল ছাড়িতে !
এত বলি, ক্রোড়ে টানি সহসা বিস্মিতে
সোহাগে আবেগে স্নেহে চুষ-আলিঙ্গনে
মাতৃস্নেহলালায়িত আজন্ম-তৃষিতে
করিল নিমেষমাবো চির আপনার !
বংশীলাল সকাতরে উঠিল চীৎকারি,
'পাষাণী, পাষণকণ্ঠা, আজ ভিখারীরে
তার শেষকণা হতে করিলে বঞ্চিত ?
এই শূণ্য জীবনের আসন্ন সন্ধ্যায়

কি রহিল মোর ? মোর সন্ধ্যাদীপটুকু
 থর থর কম্পান্বিত, শত বিঘ্নপাতে
 এনেছি নু বাঁচায়ে কি হারাতে একপে ?'
 আসি বংশীলালপাশে, সাদরে সুরজ
 ত্রস্তে কণ্ঠ হতে খুলি রুদ্রাক্ষের মালা
 স্বহস্তে তাহার গলে দিল পরাইয়া ।
 ঠিক সেইক্ষণে নিকটের শিবাংলয়ে
 বাজিয়া উঠিল শঙ্খ ! চমকি বিধবা
 বালকেরে ক্রোড়ে চাপি শিবিকায় উঠি
 রুদ্ধ করি দিল দ্বার ; চলিল শিবিকা ।
 যতক্ষণ দেখা গেল, মুগ্ধ বংশীলাল
 রুদ্ধ শিবিকার পানে রহিল চাহিয়া ;
 শিবিকা অদৃশ্য হ'ল ; সেও মৃদুপদে
 আপনার গৃহমুখে চলিল ফিরিয়া ।

গাথা

সে করুণ অপরাহ্নে পাণ্ডুচন্দ্রলেখা
পথিকের সাথে, তার স্তিমিত স্তম্ভিত
মোহময় অশ্রুময় কল্পনা-স্বপনে
উদাস স্মৃতির মত চলিল ভাসিয়া !
পথে যেতে মালাগাছি চুষ্ণি বার বার
রাখিল মাথায় ধরি ; কহিল আবেগে,—
আজ যাহা পাইয়াছি এ বুকের কাছে,
এ প্রাণের মাঝে, তাই লয়ে জীবনের
অবশিষ্ট দিনগুলি পারিব কাটাতে !
এই ক্ষমা, এই দয়া, এই স্নেহবলে
বিধাতার চিরক্ষমা লইব মাগিয়া !—
এত বলি, মালাটিরে চুষ্ণিল আবার ।

বিচিত্র নিয়তি

কেরানী প্রকাশচন্দ্র কলিকাতা ছাড়ি
হুমাসের ছুটি নিয়ে আসিলা কটকে
বায়ু বদলের লাগি। সঙ্গে পরিবার,
পত্নী অমাময়ী আর তিন বছরের
শ্রীমান্ হরিশচন্দ্র। ‘কাঠজুড়ী’-ভীরে
বাসা হয়ে ছিল ঠিক, কলরবহীন
নগরের উপকণ্ঠে। মুক্ত বন্দী-পাখী
ল’য়ে ক্ষুদ্র পরিবার লোকালয় ছাড়ি
একান্তে বাঁধিল যেন সুখময় নীড়।

দুই মাস গেছে চলি । পীড়িত প্রকাশ
 হয়েছেন রোগমুক্ত । একদা প্রদোষে
 স্বামী-স্ত্রীতে বসি ছাদে দেখিতেছিলেন
 তটিনীর জললীলা ; শীর্ণ কাঠজুড়ী
 উঠেছে লাবণ্যে ভরি ; দৃষ্টি দৌহাকার
 মগ্ন ছিল নীল নীরে ; যেন স্বপ্নে জাগি,
 মাঝে মাঝে মৃদুস্বরে হতেছিল কথা ।
 কহিলা প্রকাশ, ‘সাধ যায়, সব গোল
 চুকাইয়া বাঁধি এসে এই দেশে বাসা ।’
 উত্তর করিল অমা বিস্ময়ে, ‘এখানে ?
 এই বর্ষের দেশে ?’ কহিলা প্রকাশ,
 ‘মিছে এ উড়িয়া-দেঘ ! কভু ইতিহাস
 ছুঁইলে না, কি বুঝিবে ? দোষ নাই তব ;
 স্ত্রীপাঠ্য হয়েছে এবে উপভাস-পাঁস !’

বিচিত্র নিয়তি

বিষাদগন্তীর মুখে উত্তরিল অমা,
‘জানি গো তা জানি, আমি যোগ্য নই তব,
যদি আহা, পেতে তারে, হতে কত সুখী !
সমানে সমানে তবে হ’ত না মিলন ?
আমিই কণ্টক তব ; ইচ্ছা হয় মরি’
তোমারে জন্মের মত করি নিষ্কণ্টক !’
পরিহাস-হাসি হাসি’ কহিলা প্রকাশ,
‘লক্ষ্যহারা কেরানীরে লক্ষ্মীছাড়া শেষে
করিতে কি চাও প্রিয়ে ?—না না, সত্য বলি,
যদি ভাগ্যে থাকে তা’ই, জানিও নিশ্চিত,
আর কারো করিব না শয্যাসহচরী ।’
উত্তর করিল প্রিয়া সতেজে এবার,
‘পুরুষের হেন দম্ভ গুনা যায় বটে
পত্নী যতদিন থাকে ! আছে বহু মূঢ়া

গাথা

এ প্রবোধে অনায়াসে ভুলে যায় যারা !
বল দেখি সত্য ক'রে, আমি ম'লে,তারে
পাও যদি, কর না কি জীবনসঙ্গিনী ?
লজ্জাই বা কেন এতে ? সে যে গো ব্রাহ্মিকা ;
তারা শতগুণে শ্রেষ্ঠ হিন্দু মেয়ে হতে !'
কহিলা প্রকাশচন্দ্র, 'সেটা মিথ্যা নয় ;
কিন্তু ইহা নহে তব অন্তরের কথা !
এইমত হিন্দুঘরে করে দিবারাতে
লজ্জাহীন অক্ষমতা বিদ্রপ-বড়াই !'
এই শেষকথাগুলি বাজিল অমারে ;
বস্ত্রাঞ্চলে মুছি আঁখি রহিল নির্ঝাঁকু ।
ব্যথিত প্রকাশ উঠি অভিমানিনীরে
আদরে বুকের কাছে লইল টানিয়া ;
সোহাগে সোহাগে দিল রাগ ভুলাইয়া !

বিচিত্র নিয়তি

ক্ষণেক নীরব দৌহে ; দেখিতে লাগিলা
আবার লহরীলীলা ; শুনিতে লাগিলা
কলকল্লোলিত তান । অদূরে মধুরে
সুরে সুর মিলাইয়া গাহিয়া উঠিল
উৎকলবালিকা কোন বৃন্দাবনগাথা ।
স্থান-কাল নাহি গণি ছুটু হরুবাবু
করিতেছিলেন মাঝে রসভঙ্গ শুধু !
মায়ের এলান চুলে পিতার চাদরে
গ্রস্থি বাঁধি চুপে চুপে, সহসা সজোরে
টানিয়া, অমনি হাসি যেতেছিল দূরে !
মনে এই ঝাঁক, মুখে ততোধিক হাঁক,—
হেন বাহাদুরী যেন দেখে নাই কেহ
আর্থারবন্দরে কিংবা সাহোর প্রান্তরে !
ক্রমে ঘনাইয়া এল সন্ধ্যার আঁধার,

গাথা

চাকর ডাকের চিঠি কেরোসিন-আলো
দৌহার সম্মুখে রাখি চলে গেল কাজে ।
নারীজনোচিত ক্ষুদ্র খর কোতূহলে
অমাময়ী একে একে চিঠিগুলি খুলি
কোনটি অন্ধেক পড়ি, কোনটি না পড়ি
দিতেছিলা রাখি কাছে । শেষ-চিঠিখানি
ধৈর্য্য ধরি বার বার করিলেন পাঠ ;
বাড়ায় আলোকশিখা, তার নীচে ধরি
সাবধানে পড়িলেন ; তবু যেন তার
নাহি হ'ল অর্থবোধ । দেখিলেন শেষে
ভাল ক'রে শিরোনামা, বাড়ীর ঠিকানা ।
অকস্মাৎ স্ফীতাধরে কম্পমান করে
ছুঁড়িয়া ফেলিলা চিঠি স্বামীর সম্মুখে ।

ম, কেন মোরে এত অবহেলা !

বিচিত্র নিয়তি

বুদ্ধিহীনা আমি ; ভাবি নাই অতশত !
তলে তলে চলে হেন পত্রবিনিময় ?
তোমায় সে কালামুখী ভালবাসে আজো ?
বিস্মিত প্রকাশচন্দ্র চিঠি কুড়াইয়া
পাঠ করি, উঠিলেন উচ্চ হাস্ত করি !
কহিলেন, ‘এই কথা ? এরি লাগি এত ?
সন্দেহেই এতদূর ? সত্য হ’লে, বুঝি
ঘটিত প্রলয়কাণ্ড !—শান্ত কর মন ;
এ চিঠি নবীর ; কিন্তু এ ননী—সে নয় ।
এ আমার বাল্যবন্ধু ! জান তুমি তারে ;
সে-ই এ নষ্টের গোড়া ! ছুই ছত্র লিখে
ছুইটি প্রাণের মাঝে চিরদিন তরে
দিতেছিল দাগ ! সহজে হবে না ছাড়া,
শাস্তি পেতে হবে এর ! সশরীরে তারে

গাথা

হাজির করায় হেথা তবেই ছাড়িব !
এবার তোমার সাথে করা'ব আলাপ ।
বন্ধুপ্রীতি যতক্ষণ অন্তঃপুর হতে
নাহি পায় সমাদর, অসম্পূর্ণ তাহা ।
তুমিও হইবে সুখী তার পরিচয়ে ।
যেমনটা চাও তুমি সেও সেইমত ;
সুরসিক সহৃদয় ; তাহাতে আবার
কাব্যপ্রিয় সুগায়ক ! মিলে যাবে বেশ !
তখন এ অভাগারে রবে ত স্মরণ ?'
বুঝিয়া আপন ভ্রান্তি অনুতপ্ত অমা
মরমে মরিতেছিল । ছিল অশ্রুমনে ;
রহিল নীরব । গোপন অন্তর হতে
প্রার্থনা উঠিতেছিল,—ওহে অন্তর্যামী,
স্বামীরে দিয়েছি ক্লেশ আজি অকারণে

বিচিত্র নিয়তি

মিথ্যা অভিমানবশে ; দণ্ড দিও তার !

হরুবারু সেইক্ষণে ফুৎকারে ফুৎকারে

দীপের সে দীপ-জন্ম দিলা ঘুচাইয়া !

প্রকাশ পরের দিন চিঠি দিয়ে ডাকে
কহিল অমারে এসে, ‘কর আয়োজন
প্রিয় অতিথির লাগি । লিখেছি ননীরে
এখানে আসিতে ত্বর । এই চিঠি পেলে,
যেমন থাকুক ননী, আসিবে নিশ্চয় ।’
কহিল ব্যথিতা ধীরে, ‘সত্য সত্য তবে
কর নাই ক্ষমা মোরে ? কেন লজ্জা দাও
এ লজ্জাহীনারে আর !’ প্রবোধি পত্নীরে
কহিলা প্রকাশচন্দ্র, ‘বহুদিন হতে
লিখিতেছে ননী মোরে, আসিবে হেথায় ;
চিরকাল জানি তারে, অলসের শেষ ;

গৃহকোণ হতে তারে নড়ান ছুষ্কর ;
 তাই তারে জোর ক'রে করিব বাহির ।
 জান না কি, ননী মোর বড় আপনার !'
 কহিল উৎফুল্ল অমা, 'তবে লিখে দাও,
 কাজ নাই এসে তাঁর । ছোট বাসাবাড়ী,
 তায় আমি একা প্রাণী ; ভাল ক'রে তাঁর
 হবে না আদর যত্ন ! আজি—এই দণ্ডে
 মাথা খাও, লিখে দাও,—চুকে গেছে কাজ !'
 কহিলা প্রকাশচন্দ্র, 'সাধে কি গো বলি,
 স্ত্রীলোকের ঝুটা মন ! ভদ্রতার ঘটা,
 সে কি আত্মীয়ের তরে ? হোক তা নির্দোষ,
 ক্রটিভরা আত্মীয়তা কত উচ্ছে তার !
 ননী কি মোদের পর ? তাই তারে এবে
 ব্যথিয়া তুলিতে হবে আতিথ্যের ভারে ?'

বিচিত্র নিয়তি

পতির দৃঢ়তা দেখি ক্ষুব্ধ ক্ষুব্ধমনে
নীরবে নিশ্বাসি অমা চলে গেল কাজে ।
কি যেন অজ্ঞাত শঙ্কা সেইক্ষণ হতে
চাপিয়া বসিল বুকে ; মনে হতেছিল,
তাহাদের শান্তিস্তব্ধ এই সুখনীড়
কে যেন শ্রেনের মত আসিছে ভাঙিতে !

যথাকালে ননী পেয়ে প্রকাশের লিপি
উঠিল ব্যাকুল হয়ে । ‘বাড়িয়াছে পীড়া ?’
বার বার এই কথা আপনার মনে
করিল আবৃত্তি । আঁকা-বাঁকা লেখাগুলি
পড়িল সে বহুবার চিন্তাতপ্ত মনে ।
সেদিন গুছায়ে সব, মক্কেলের কাজ
অগ্র উকীলের কাছে গুছায়ে, হইল
প্রস্তুত যাত্রার তরে । মুহুরী তখন

গাথা

ধরিল, 'মামলা এক, লক্ষটাকা দাবী,
এইমাত্র আসিয়াছে, ছেড়ে দিতে হয় !'
লক্ষ হোক, কোটি হোক, কে ভাবিছে তাহা ?
আমি ভাবি কতক্ষণে পৌছিব কটকে !

যথাকালে বাষ্পরথ বহিয়া ননীরে
আসিল কটকে । নামিয়া পড়িল ননী ;
সহসা প্রকাশচন্দ্র পশ্চাৎ হইতে
ধরিল ননীর কর । ফিরে চেয়ে ননী
বিস্ময়ে রহিল স্তব্ধ ! দুইবন্ধু শেষে
ক্ষণেক লইলা হাসি ; আলাপে আলাপে
চলিলা গৃহের পানে আনন্দে কোতুকে ।

এক মাস গেছে চলি । সেদিন পূর্ণিমা ;
মেঘমুক্ত নীলাকাশে জ্যোৎস্না হাসিতেছে,
অঙ্গনে বিছায়ে পাটি, বন্ধু দুইজন

বিচিত্র নিয়তি

চাহিয়া আকাশ পানে । গৃহকর্ম সারি
অমা ও একান্তে আসি বসিল সেথায় ।
আর এক পূর্ণিমায় এসেছিল ননী ;
হুদিন না যেতে, হয়েছিল উৎকণ্ঠিত
গৃহে ফিরিবার তরে ! কবে, কোথা দিয়ে
চলে গেছে ছুটি পক্ষ অজ্ঞাত নেশায় !
বড় দ্রুত গেছে বুঝি এ কয়টা দিন ?
হায় ননী ! হায় কর্ম্মী ! এই তব কাজ ?
কোথা গৃহ, গৃহপ্রিয় ? ফিরিবার কথা
ভুলে গেছ একেবারে ? অভাগিনী অমা !
আয়ি আগন্তুকভীতা, আজ তব ভয়,
অতিথি কখন যাবে সুখস্বপ্ন ভেঙ্গে !
এ কি ? এ কি ?—কে গাহিছে ?—ধন্য ননীলাল !
কি নিপুণ সুরভঙ্গী, কি মধুর স্বর !

গাথা

জানিছ কি, পাশে বসি আত্মহারা অমা
তোমার ও কণ্ঠসুধা করিতেছে পান
আকণ্ঠ তুষায় !—পড়িল নিশ্বাস কার ?
চোখে জল গান শুনে' ?—আর তুমি, ননী !
বহুস্থানে বহুবার গাহিয়াছ গান,
এমন ত গাহ নাই ! রাগিণীর সাথে
মিলে নি এমন ক'রে তোমার হৃদয় !
কণ্ঠ কেন কাঁপিতেছে ? ভুলিতেছ লয় ?
থাক্ থাক্ ওই গীত—প্রেমের কাকুতি !
অন্য গান ধর কোনো ! কিংবা গাহিও না !
লজ্জাহীনা হে পূর্ণিমা, হে মিলনদূতী,
অত হাসি বহুদিন হাস নাই তুমি !
এ কি ফাঁদ, এ কি হাসি করেছ বিস্তার !
কুহাকিনী, দেখ চেয়ে, থোকা শ্রান্তিভরে

বিচিত্র নিয়তি

ঘুমায়ে পড়েছে ওই শয্যা আলো করি ;
এমন সুন্দর শিশু ! এমন সংসার
সুখশান্তিভরা ! মনে রেখো যাহুকরী !
সহসা থামিল গীত ; মোনে উঠি অমা
পশিল শয়নকক্ষে । সুপ্ত শিশু পানে
ক্ষণেক চাহিয়া মুগ্ধা কহিল আবেগে,—
অশান্ত হ্রস্ব মোর, সন্ধ্যাটি না হতে
টুলে' এসেছিল আঁখি না জানি কখন,
দেখে নাই মা তোমার ; নেয় নি সে খোঁজ !
হয় ত বা অভিমানে একা গিয়ে যাহু,
শয্যাখানি বিছাইয়ে পড়েছ ঘুমায়ে !
ক্ষমিও এ কুমাতারে : মরি মরি রূপ !
এর কাছে আছে কিছু ? এমন নিৰ্ম্মল,
এমন পাগলকরা আছে কিছু আর ?—

সেইক্ষণে শয্যা'পরে পড়িল লুটিয়া ;
 টানিয়া কোলের কাছে ঘুমন্ত শিশুরে
 চাপিতে লাগিল বুকে কি যেন ব্যথায় !
 আহারের আয়োজন করি ভৃত্য যবে
 ডাকিতে আসিল তারে, বলে দিল অমা,—
 অসুখ হয়েছে তার ।—দুবন্ধু সে রাতে
 ভোজনে বসিলা মৌনে । দেখিল প্রকাশ,
 সদানন্দ রঙ্গপ্রিয় ননী যেন আজ
 নিতান্ত বিষন্ন গুঞ্চ । কহিল প্রকাশ,
 'জানি ওগো জানি তাহা, ফাঁকি দিবে ঠিক,
 দেখিবার লোক যবে নাই আজ কাছে !'
 'না না, না না ! সে কি কথা ?' বলি ননীলাল
 ভাঙ্গাসুরে ম্লানহাসি হাসিল কেবল ।
 চমকি প্রকাশচন্দ্র কহিলা ননীরে,

বিচিত্র নিয়তি

‘হয়েছে অসুখ কোনো.?’ শশবাস্তে ননী
কহিল বিকৃতকণ্ঠে, ‘না না, কিছু নয় ;
বহুদিন গৃহ ছাড়া ; ছুটি চাই এবে ।’
প্রকাশ কহিলা হাসি, ‘মোরে বলা বৃথা,
যথাস্থানে আবেদন পাঠাইও কা’ল !’

পরদিন ব্যস্ত হয়ে প্রকাশ অমারে
ডাকিল শয়নকক্ষে, কহিল, ‘এখনি
পাইলাম এই ‘তার’ কলিকাতা হতে ;
গুরুতর কার্য্য তরে যেতে হবে সেথা ;
বিলম্বে হইবে হানি ! যেতে হবে আজি,
শীঘ্র শীঘ্র ক’রে দাও যাত্রার উদ্যোগ ।’
ধরিয়া স্বামীর কর অকস্মাৎ অমা
রহিল আনতমুখে ক্ষণেক নীরব ;
কহিল কাতরকণ্ঠে, ‘প্রভু, প্রাণাধিক,

থাক থাক মোর কাছে ! বড় একা আমি !
 বড় একা ! অসহায় ! যেও না, যেও না !
 যাবে যদি, একসঙ্গে চল ফিরি সবে ।’
 কহিলা প্রকাশচন্দ্র, ‘বহুবার হেন
 হয়েছে ত ছাড়াছাড়ি, দেখি নাই কভু
 এত বাড়াবাড়ি তব ! বুঝি উপগ্রাস
 অবিশ্রান্ত পড়িয়াছ এই কয়দিন ;
 সেই মিথ্যা মাদকতা ঘুরিছে মাথায় !
 প্রত্যক্ষ সংসার এ যে ; হেথা নাহি সাজে
 সুরঙ্গিন কল্পনার মিষ্ট অভিনয় !
 পক্ষকাল মাঝে আমি ফিরিব নিশ্চিত ;
 ননী রয়ে গেল হেথা ; ভাবনা কিসের ?’
 ক্ষুদ্র হৃদয় হতে কি একটি কথা
 উঠিয়া মিলায়ে গেল গভীর নিঃশ্বাসে !

বিচিত্র নিয়তি

অনেক সাধিল ভীতা, অনেক কাঁদিল,
অটল প্রকাশচন্দ্র, গুনিলা না কিছু ।
এদিকে হরিশচন্দ্র খেলা ছেড়ে এসে
ধরিল পিতার হাত ; কহিলা, ‘বাবা লে,
আমিও কোকাতা যাব ।’ বহু প্রলোভন
খেলনা-বাজনা আর আঙ্গুর-বেদানা
হ’ল যবে প্রতিশ্রুত, সুবোধ হরিশ
অগত্যা করিলা সন্ধি । বিরহবিধুরা
বহুক্ষণ দ্বার দিয়া কাঁদিল বিরলে ;
যাত্রার সময় এল ; এবার প্রকাশ
বুঝিল, হৃদয়ব্যথা নহে কাল্পনিক,
যার বাজে সেই বুঝে ! ফেলিয়া নিঃশ্বাস
আঁকিয়া ~~রেখে~~ রাখিমাণা প্রেয়সীর ছবি
শিশুর মলিনমুখ নিভৃত অন্তরে

গাথা

ধীরে ধীরে অশ্রু মুছি লইলা বিদায় ।
অধীর বাষ্পীয় রথ দৌড়িল যখন
বঙ্গরাজধানীমুখে, ফিরে এল ননী ;
কিন্তু, গেল না বাসায় । ক্রমে সন্ধ্যা হ'ল,
চাঁদ উঠে এল ধীরে, কাঠজুড়ী-তীরে
ননী বেড়াইতেছিল একাকী সে রাতে
অধীর উদ্দেশ্যহীন চঞ্চল চরণে ।
আপন অধীর বক্ষু ছুই হাতে চাপি
যাতনাকাতরকণ্ঠে চাহি উর্দ্ধ পানে
কহিল,—অনাথনাথ, বল দাও মোরে !
এই স্মৃথী পরিবার, সোণার সংসার,
ছারখার হ'য়ে যাবে ! হায়, বন্ধু আজ
করিবে বন্ধুর শিরে গোপন আঘাত ?
সরল প্রকাশচন্দ্র ! এমন লোকের

বিচিত্র নিয়তি

সর্বনাশ করে কেহ ; ভাবে কেহ তাহা !—
সেই শান্ত রজনীতে ব্যাকুল প্রার্থনা
যেন উর্দ্ধে কারো কাছে পৌঁছিল বারেক !
স্বর্গ-আশীর্বাদ সম, স্নিগ্ধ সমীরণ
সর্বাজে লাগিল এসে সান্ত্বনার মত !
নিঃশব্দে চোরের মত সেই রাতে ননী
বাসায় আসিল ফিরি । জানাল ভূত্যেরে,—
আহারের ইচ্ছা নাই ।—চুপে শয্যা লয়ে
মুহূর্ত্তে নিদ্রার ক্রোড়ে পড়িল ঢলিয়া ।

হেথা বিরহিনী অমা তপস্বিনীসম
কাটাতে লাগিল দিন ; রূপের মাঝারে
পড়িল মলিন ছায়া ; হাসি-রঙ্গ ছাড়ি
যৌবনের চপলতা কি যেন সংযমে
ধরিল কঠোর মূর্ত্তি ! অমা আর ননী

গাথা

দূরে দূরে থাকে দৌহে অতি সাবধানে ;
কথা নাহি হয় আর ; বুঝি প্রতিদিন
দেখাও হয় না দৌহে ; যেন দুইজনে
পরিচয় নাই কভু ! মাতা রোজ রাতে
পুত্রেরে টানিয়া কোলে উদ্ধপানে চাহি
কহে,—প্রভু, কতদিন—আর কত দিন
তঁার ফিরিবার বাকী ! হয় নাই কাজ ?
এই ক'টি দিন রাখ এই দুর্বলারে
দুই হাতে আগুলিয়া ! হে স্বামীর স্বামী,
যাবৎ না পাই সেই অনন্ত-নির্ভর,
তাবৎ করিও রক্ষা এই অনাথারে !
তঁার কথা, তঁার গুণ মোর স্মৃতিপটে
রাখ জাগাইয়া নিত্য ! দাও মোরে বল
কায়মনে নাহি হই বিশ্বাসঘাতিনী !

বিচিত্র নিয়তি

একপক্ষ গেল চলে । এল না প্রকাশ ;
প্রিয়া গণিতেছে দিন । আরেক সপ্তাহ
যেদিন হইবে পার, এল এক চিঠি ।
চিনি' সেই হস্তাক্ষর কম্পমান করে
খুলি অমা পড়ে গেল একটি নিশ্বাসে ।
লিখেছেন স্বামী,—কাল পৌঁছিবেন আসি ।—
বার বার সেই লিপি লাগিল চুমিতে !
পাছে কেহ দেয় বাধা আনন্দ-আবেগে,
অধীরা একান্তে তাই বাহিরের ঘরে
একেবারে ছুটে এসে রুধি দিল দ্বার ।
সে ঘরে থাকিত ননী । কিন্তু অমা জানে,
বাহিরে বাহিরে ঘুরি রোজ ননীবাবু
নিশীথে সে ঘরে আসে ।—প্রত্যাহের মত
সেদিনো থাকিত ননী তখনো বাহিরে

যদি না ডাকের চিঠি পাইত সে পথে ।
 চিনি কারো হস্তাক্ষর, দ্রুতহস্তে খুলি
 সে চিঠি পড়িল ননী । উঠিল চিৎকারি,—
 মুক্তি ! মুক্তি !—আর নয় ; এই কম দিন
 যা সয়েছি,—হৃদয়েরে কি বিশ্বাস আর ?
 পলায়ন ! পলায়ন ! এই কারা ভাঙ্গি
 করেও কিছু না বলি চলে যাব কা'ল !—
 ফিরিল বাসায় ননী । আপনার ঘরে
 পশি একা, চুপে চুপে শয্যায় পড়িয়া
 আঁধারে ভাবিতেছিল !—ঠিক সেইক্ষণে
 প্রকাশের লিপি হস্তে অমাও সে ঘরে
 পশি, সশব্দে রুধিল দ্বার ।—চমকিয়া
 উঠিল ডাকিয়া ননী,—কে ও ?—অন্ধকারে
 দাঁড়ায়ে কাঁপিতেছিল শুদ্ধ অমা যেথা,

বিচিত্র নিয়তি

ননী উঠে গেল সেথা ; চকিতে কাহারে
চিনি ভয়ার্তের মত সরিল পশ্চাতে !
তারপরে—তারপরে—একটী নিমেষ
এক ক্ষুদ্র ক্ষিপ্ত ক্ষিপ্ত চপল পলক
ভাঙ্গি চির প্রাণপণ সংযম সংগ্রাম
সেই ক্ষুদ্র কক্ষলগ্ন অন্ধকার হতে
ফেলিল গভীরতর আঁধারে দৌহারে !
চমক ভাঙ্গিল যবে, ত্রস্তে দ্বার খুলি
দুইজন দুইদিকে বেগে গেল চলি।
অমা পড়ি শয্যা'পরে লাগিল লুটিতে
যে ব্যথায়, যে জ্বালায়, ভাবার অতীত !
ক্ষিপ্ত ননী সেইক্ষণে হ'ল নিরুদ্দেশ ।

এক বর্ষ গেল ঘুরে । মুজের সহরে
একটী সুপরিচ্ছন্ন গৃহের অঙ্গনে

হাত ধরাধরি করি যুবক যুবতী
 নীরবে ঘুরিতেছিল। ফুলগাছগুলি
 স্তম্ভাণ উড়াতেছিল ; অদূরে জাহ্নবী
 কল্লোল তুলিতেছিল। তরুণীর বেশ,
 আড়ম্বরবিবর্জিত, তবু কি সুন্দর !
 বাসন্তী রঙের শাটী গুজ্জরী ধরণে
 পরেছেন কুঁচাইয়া, অনবগুণ্ঠিত কেশ
 আধেক ললাট ঢাকি বন্ধিম রেখায়
 জ্যাকেটমণ্ডিত পৃষ্ঠে পড়েছে এলায়ে !
 স্তম্ভাণ চন্দ্রাবৃত করবেষ্টী ঘড়ি
 লতার কাঁকন সম পেতেছিল শোভা ।
 চর্ম্মের পাছকা ছুটি পাদপদ্ম চুমি
 দলবদ্ধ ভৃঙ্গ সম রয়েছে মুর্চ্ছিয়া
 কালো রূপ মিশাইয়া কনক বরণে !

বিচিত্র নিয়তি

গাহিতেছিলেন নারী অক্ষুট গুঞ্জে ।
তাম্বুলের রাগহীন স্নিতাধর হতে
শুভ্রিশুভ্র দন্তপাঁতি দিতেছিল উকি !
বাঙ্গলা পুঁথির সত্ত্ব অধীত পাতায়
তর্জনী রাখিয়া, ক্ষুদ্র মুঠিতে চাপিয়া
সে গ্রন্থ, তরুণী স্বচ্ছন্দে ঘুরিতেছিল !
পড়িল সন্ধ্যার ছায়া ; অদূরে বাহিরে
উঠিল সহসা গোল । যুবক তা শুনি
দেখিল বাহিরে আসি,—একপাল ছেলে
ঐ পাগলী ! ঐ পাগলী !—এই ধূয়া তুলি
খেদায়ে আসিছে এক দীনা রমণীরে ।
অশিষ্ট বালকদের হস্ত হতে যুবা
উদ্ধারিয়া বিব্রতারে সজ্জমে সাদরে
আনিলেন ডাকি তারে আপনার গৃহে ।

মুখোমুখী তিনজন সন্ধ্যার আঁধারে
 বসিলেন আঙ্গিনায় । কহিল রমণী,
 ‘পাগল ?—পাগল হয় কি পুণ্য করিলে ?
 আমি ত পাগল নই ; মাঝে মাঝে শুধু
 কি এক আবেশ মাঝে সমস্ত চেতনা
 ডুবে থাকে ক্ষণকাল ; তারপরে সেই
 পুরাতন পরিচিত স্মৃতির দংশন !’
 এত বলি পাগলিনী আপনার হাতে
 হুঁড়িতে লাগিল কেশ ! সন্নেহে প্রকাশ
 কহিলেন, ‘অভাগিনী, কি ছঃখ তোমার,
 প্রকাশের হয় যদি, বল খুলে সব ।’
 ‘কি ছঃখ ?—শুনিবে তুমি ?—ওই কণ্ঠস্বরে
 কি যেন কি আকর্ষণ, লইতেছে টানি
 গোপন অন্তর ! করিও না ঘণীতবে !’

বিচিত্র নিয়তি

এত বলি ভিখারিণী মর্ম্মস্পৃক স্বরে
বলে' গেল আত্মকথা একটী নিশ্বাসে ।
অধীর আকুল কণ্ঠে কহিলা যুবক,
'মিথ্যা কথা ! মিথ্যা কথা ! তুমি—তুমি অমা ?'
প্রগল্ভা না শুনি তাহা কহিতে লাগিল
আত্মভাবে ভোর হয়ে ।—কলিকাতা হতে
যেদিন ফিরিলা স্বামী, মুমূষুর মত
শয্যায় ছিলাম লীন । কাছে বসি গোর
সযত্নে সোহাগে স্নেহে হাত খানি তুলে'
আপন কোলের কাছে, ছোঁয়াইলা ঠোঁটে !
কহিলা,—আছ ত ভাল ?—সে আদরে মোর
সংঘম ভাসিয়া গেল ; পা দুখানি তাঁর
মাথায় নিলাম তুলে ; কহিলাম তাঁরে
খুলিয়া সকল কথা । হ'ল না ভরসা

মার্জনা ভিক্ষার ! শুনিলেন স্বামী সব ;
 সাগরের মত সেই গভীর হৃদয়
 ক্ষণেক স্তম্ভিত হ'ল ; শেষে ধীরে ধীরে
 সেই পুরাতন প্রেমে আশীর্বাদছলে
 লাগিলা বুলাতে শিরে কম্পমান কর ।
 কহিলেন গাঢ়স্বরে,—অমা, অমা মোর !
 তোমারে করেছি ক্ষমা । এই যে ধরণী
 প্রকাণ্ড ভুলের স্থান ! কে না ভুল করে ?—
 তারপরে দুই দিন দুঃখে স্নেহে মোহে
 কোনমতে কেটে গেল । যা ছিল তা যেন
 কিছুতে হয় না আর !—বুঝিলাম তাহা ;
 তিনিও তা বুঝিলেন । তৃতীয় দিবসে
 কাঁরেও কিছু না বলি অকস্মাৎ স্বামী
 হইলেন নিরুদ্দেশ । সেইদিন হতে

বিচিত্র নিয়তি

খোকারো বাড়িল জ্বর ; ছুদিনের দিন,
সোণার হরিশ মোরে গেল ফাঁকি দিয়ে !
বাবা বাবা ক'রে আহা, প্রাণ দিল বাছা !
প্রায়শ্চিত্ত হ'ল মোর ! হায় প্রাণাধিক,
হৃদয়হুলাল মোর, নিষ্পাপ নিশ্চল,
নরকের কীট আমি দংশিলাম তোরে ;
তাই ত ফুলের মত পড়িলি ঝরিয়া
কোরকজীবনে, যাছ !—থামিল বিবশা ।
যুবক ক্ষিপ্তের মত উঠিল চিৎকারি,—
আমি—আমি পুত্রহস্তা ! আকাশের বজ্র,
হও যদি দেবতার গায়দণ্ড তুমি,
ভেঙ্গে পড় মোর শিরে ! আমিই প্রকাশ !
আমি সেই শিশুঘাতী নিশ্চয় পাষণ !—
কহিল উন্মত্তা, 'তুমি ?—তুমি সে দেবতা ?

ওই কণ্ঠস্বর শুনি বার বার মন
 হয়েছিল উচাটন, কিন্তু ছরাশারে
 পারি নাই স্থান দিতে । তুমি—তুমি সেই ?'
 আমি সেই কাপুরুষ, আমি সেই পাপী !
 অনাথ শিশুরে আর কাতর পত্নীরে
 চোরের মতন ফেলি আসিছু পালায়ে !—
 হায় অসহায় শিশু, প্রাণের পুতলি
 যবে তোর শিরে আসি মৃত্যুর নিশ্বাস
 পরশ করিতেছিল, হয় ত বিভ্রমে
 বাবা বলে ডেকেছিলি এই নরাধমে !
 খুঁজেছিলি বৃথা কারে ! ঘুমাও ঘুমাও
 বিশ্বপিতা কোলে, বৎস । ঘুম যাও যাছু,
 ভাঙ্গে না বিশ্বাস যেথা, ঘুচে না অভয় !—
 আর তুমি অভাগিনী, শোক-উন্মাদিনী,

বিচিত্র নিয়তি

এস পতিপুত্রহারা, এস পরিত্যক্তা,
এস অনুতাপদগ্ধা নিষ্পাপ পতিতা,
চল মোরা তিনজন সংসারের প্রান্তে
অভিনব গৃহস্থালী করি গে রচনা!—
হায় যদি ননীলাল ফিরিত এখন,
পুরাতন নিঃসঙ্কোচে এই আলিঙ্গনে
বদি সে আসিত ফিরে ! হায় তা কি হবে !—
চাহিয়া যুবতী পানে, ধরি তার হাত
কহিতে লাগিল,—করিবে কি ক্ষমা, ননী ?
ভাঁড়ায় পিতারে তব বিপত্নীক সাজি,
পূর্ব পরিচয়-বলে, ধর্ম্মাস্তর লয়ে,
বিধবা, তোমাতে যবে বিবাহবন্ধনে
বাঁধিয়াছি, ছলে হোক, তবু সে বন্ধন
প্রেমের কুহকে আর ধর্ম্মের আলোকে

শুভ শুদ্ধ হয় নাই ?—এবে শুধু বলি,
 শৈশবের প্রেম স্মরি ক্ষমা কর মোরে !—
 সহসা উন্মত্তা বেগে দাঁড়াল তখন,
 কহিল কম্পিতকণ্ঠে চাহি দৌহা পানে,—
 চিরসুখী হও দৌহে ! আজিকার কথা
 ভুলিও দুঃস্বপ্ন সম !—প্রকাশে চাহিয়া
 কহিল গদগদকণ্ঠে,—স্বামী ! প্রাণাধিক !
 ক্ষমা করেছিলে আগে ; কিন্তু আজ দিলে
 যাহা মোরে, তা যে মোর আশার অতীত !
 যতদিন আছি বেঁচে, সেই স্মৃতি লয়ে
 জীবন কাটায়ে দিব । এই ভালো, প্রভু !
 আর বেশী কাজ নাই !—বিদায় ! বিদায় !—
 এত বলি অন্ধকারে গেল মিশাইয়া ।
 আঁধার চিরিয়া মোনে চতুর্থীর চাঁদ

বিচিত্র নিয়তি

উঠে এল ধীরে ধীরে । যুবক-যুবতী
সেইখানে ; কারো মুখে নাই কোন কথা !
রজনী গভীর হ'ল ; ক্ষীণ কোলাহল
ক্ষীণতর হ'তেছিল ; একটী কোকিল
অদূরে গাহিতেছিল ; শীতল সমীরে
সদৃশ্ফুট ফুলবাস লাগিল উড়িতে ;
সেইখানে একাসনে অভুক্ত দম্পতি
কাষ্টপুতলীর প্রায় রহিল বসিয়া !

